

邵門陵

虞山毘陵一時有兩邵青門毘陵青門當宗冢宰  
 撫吳昔曾入幕府冢宰有詩云奮然抵掌叩青門  
 下註常州二字狀則虞山青門或亦冢宰所知名  
 因以別歟青門名陵字湘南青門其號又別號曰  
 雪虬曰孩叟長身脩髯目閃閃狀顏如羽人劍客  
 操不律東西游走恒挈家相隨所得館穀輒緣手  
 散去不復訾省晚年浮沈里中益多覺游而性益  
 嗜酒家人生產耗磨殆盡諸貴游或遠宦或游岱  
 贈遺者絕少卒至貧老以死悲夫青門有一子亦

青門詩集序

NATIONAL CENTRAL LIBRARY, TAIWAN, R.O.C.

板區  
(公分)

19.5x11.8

13270

4册

國立中央圖書館藏善本			
書碼:	集部別集類	之屬	
書名:	青門詩集		
著者:	清邵陵撰	一二卷	四册
版本:	舊抄本		



以酒亡其軀遂無後顧其外孫有登賢書者魏舒  
宅相亦可稍慰魂魄于九原矣其詩集計共十卷  
有疎園樵話二集凡一百八十一首蓋康熙甲子  
錢驃騎鎮海陵青門在幕與張石樓冒穀梁諸名  
士倡和者鑲板已行于世猶復自刪改其學問與  
年加長顛勤若此迨甲戌至戊子凡十五年分七  
集共詩二百四十九首咸經手薙有與原作頽異  
者如古艷體十六首刪去其三章已除夕壬午元  
旦用東坡五言絕為韻共十首僅存其二之類恐

覽者疑其闕佚故識大略于此至夫旅游南北或  
閒居屏處流連觴詠散著集中觀者亦可以知人  
論世矣其未刪本及四散薈蕞者仿替人補遺例  
余俱為鈔全摭遺一卷是已  
雍正癸丑夏五天中山人識于耕雲樓



青門詩集  
卷一  
鈎簾不見雨中山濕霧溟濛掩翠鬟手把雪虬詩  
一卷斡予塵胃破予顏  
敏捷才華似劍南道園風格亦相參馮家詩學誇  
工細并剪哀梨快雪髯  
雨中讀青門詩題二絕 孫翼飛

青門詩集總目

第一卷

踈園集古今雜體詩五十七首

第二卷

樵話菴稿古今雜體詩一百二十四首

第三卷

釣艇集古今雜體詩三十六首

第四卷

歸來集古今雜體詩三十七首





第五卷

不珠集古今雜體詩四十六首

第六卷

消寒集古今雜體詩六十四首

第七卷

浮嵐集古今雜體詩二十二首

第八卷

餘辛集古今雜體詩二十四首

第九卷



第十卷

瓶山集古今雜體詩二十首

第十一卷

擬遺古今雜體詩一百二十二首

第十二卷

詩餘一十九首

附集

吳二饒題青門山居雜興詩序  
凌南樓和紫冒山客山居雜興三十首



安用雕鏤嘔肺腸辭能達意即文章性情原自無  
今古格調何須辯漢唐人道鳳簫諧律呂誰知牛  
鐸有宮商少陵甘作却夫子不害光茫萬丈長  
孩叟兩窗漫題



青門詩集卷第一

疎園集

甲子除夕時移家海陵

老幼相携滯此鄉。傍村依落貨茅堂。魚多似菜論

籃買鹽賊如沙。鎮斗量八口。依人隨頓飽。兩年傭

作計工償還。勝昨歲。當今夕。狼五山前宿。海航年

除夕渡江。但風紫瑯。山。下。逐。泊。舟。度。歲。瑯。

乙丑元旦立春

國家圖書館, NATIONAL CENTRAL LIBRARY, TAIWAN, R.O.C.





頻年飄泊海西濱又見東皇一度春身似漁舟隨  
 處泊家如燕壘逐年新無情厄運過辛酉辛酉歲  
 建子省事天公繼戊辰東坡元日立春詩首事天  
 亦日滿頰髮鬢枯未盡朝來和雪鬪精神辰立春

早春雪夜渡江

京江南北路逶迤汗漫中流信所之千頃煙波雙  
 槳月萬山風雪一船詩鄉心已逐江梅亂歸夢先  
 教春州知客裏匆匆過人日到家剛值試燈時  
 田丰園黃山草堂落成次黃儀通韻

淶水名園好行行一徑深平分江島月半占竹松  
 陰幽鳥自來去好山無古今此中披卷坐應是豁  
 塵心

選勝開青嶂林巒別有天許攜金谷酒重醉永和  
 年池養浴鷗水簾分避鶴煙吾廬殊可愛陶令欲  
 歸田

送呂半隱先生歸蜀次黃仙裳韻

金閨通籍夢華年萬里烽煙阻蜀川先生自癸未  
 間阻流寓江潮作賦仲宣長去國休官陶令不歸



田鬢經離亂應衰矣話到間闕欲泫然歸向東屯  
尋舊宅草堂元在浣溪邊

題張石樓墨花小卷

吾友張石樓性喜弄水墨晴窗雨榻偶放筆花花  
葉葉隨點畫氣韻天然有真趣亂寫春風不留跡  
軟紅塵土眯人眼脂粉中間覓顏色高寒人物慘  
澹意是畫非畫誰賞識可憐斯世無子瞻誰復作  
詩贈尹白

客雉城下榻鄧氏霞起園同張孺子余羽尊

吳屏年徐孝緒分韻得暉字

寂歷虛齋暮靄微疎林隱：蔽斜暉倚風木葉隨  
波去檢樹昏鴉帶濕歸江上愁心秋雨冷天涯白  
髮曉鐘稀寓公未覺羈孤基時有琴尊款竹扉

飲胃穀梁宅

剪韭留賓喜過從清泉白石舊家風高陽伴侶飄  
零盡容易芳尊一笑同堂追憶其年首  
楊枝麗句屬群公小字斜行澹復濃酒後莫教重  
唱出最關情思是吳儂穀梁索題



東華客舍送修齡南歸即次其留別韻

共憐一夕分裾易未抵三年會面難聽徹小窓風  
雨惡黯黯無語酒都寒  
別緒如絲理不清  
灰殘燭冷絕關情  
可堪孤館無眠客  
又說明朝是送行

丁卯十一月十五日冒巢民先生葬女羅夫

人于雒城之東遠近之士咸來送葬并作  
輓歌以相哀余亦附諸君子之末得詩四  
首

碧簫散斷玉樓空十二峯頭路不通  
罵殺春風鸚鵡去綠窓閒却舊雕籠

豈獨千金買笑頻刀途血路共艱辛  
寶彝閣上風烟裡奪得三灾劫外身

請急扶巢民穿火以滅出明皆就寢惟夫室者巢燈夜  
載通州顧及夫人急滅燈索刺不得懂而獲免事

並命齊牢是宿因白頭紅粉夢中春  
天留花月多情客老向秋原葬玉人

杜宇聲中落日遲天荒地老有餘悲  
他年欲覓文



青門詩集卷之五  
姬塚黃葉村西三尺碑

題楊枝手卷

楊枝為如韋冒穀梁小伶姣好絕倫見者  
爭相慕悅酒場詩所無楊枝不韻也一時  
鉅卿名士如芝麓阮亭諸先生題贈輒盈  
卷帙而其年陳檢討一詩尤屬綺靡香艷  
固已流播詞壇傳為佳話今楊枝墓有宿  
草而其子文瑯又柔條款舞矣余固未識  
楊枝然見阿侯而知莫愁也穀梁索題書

二絕于卷尾

唱徹陳髯絕妙詞尊前細認小楊枝天公不斷銷

魂種又值東風二月時其年詩曾作楊枝曲一篇

少朱樓女畫采

斷腸散裏說相思只有開元白髮知俗煞南朝詞

賦手不曾題句贈楊枝

得劍却寄懷詩次韻答之

拂水鶯花虞嬾雲別時交手付于君天教冷醉殘  
吟客未占揚州月二分



牢落關河感歲寒旅懷吟苦字難安閒中自理叢  
殘稿不是愁人不要看

亦知信美非吾土誰說狂夫不憶家昨夜客窗風  
雪裡夢歸山館種梅花

漂搖風雨還無定毛羽摧頽已倦飛欲共坡翁誓  
江水有田誰肯不言歸坡翁詩我謝如江水

和衛介臣悼亡

漢：愁雲慘不歸蕙惟寂寞鎮長嗟  
昏間零落思親句架上拋殘課子書懷夢州荒秋筆冷返魂香

死夜窗虛傷心莫作招真曲三素雲中早駕車

七夕有贈

生憎霧鵲解填橋尾禿頭童祇自勞輸殺拙鳩都  
不管月明風細穩棲巢

和山陰黃儀甫

詩壘謾爭雄疎狂晉代風花開於暴富酒盡覺真  
窮有恨隨芳州無家信斷蓬天涯饒名子同滯大

江東

清明日蕪城道中



野花汀草驛程幽一路斜楊盡送舟况是昨朝寒  
食過二分明月冷揚州

同石泛舟紅橋

花邊亭榭水邊臺鏡裡芙蓉面歐公携開較勝歐公携

客賞遠從節伯折將來歐公開宴平山堂令健卒

憑高一望海天寬旅思茫集百端還是江南山

色好平山堂上隔江看

山僧拄杖領清緣携我閒尋第五泉手拾松枝自

煎喫白雲堆裏起茶烟山僧善慧借尋第五

夕陽放擢酒初醒急拍中流唱未停水調淒涼聽

不得莫教行近竹西亭

流香閣聽歌

十二簾垂不動塵兩牀絲竹一棊春儂家饒有閒

鍼線貫得歌珠串与

桃花扇底墨痕新編寫新詞贈麗人却笑陳思傾

八斗只緣一箇洛川神

轉喉車子發清謳雲遏風迴月不流謾道竹西歌



吹好如今應不屬揚州

粉澤流香亂酒香蘭膏作對月無光連宵聽教道

迢漏今夜如何不夜長

舞罷歌闌鎮寂寥後堂欄檻鎖春宵夜來已倦飛

瓊醉放出羊家靜婉腰

選勝徵歌上舞筵老顛風景只頽然傾城相見容

相許賒得黃金使鑄錢

西施入吳願見者先輸金錢一枚

戊辰夏五與稼梅下榻海陵幕府席上有作

和陸無文韻

催花曲宴酒旗開河朔賓朋入座來盡捲陣雲屯  
遠戍獨留明月照深杯微颺却扇收殘暑細雨沾  
堦絕點埃倚醉共尋屠釣去從來市上有奇才

予將有三山之行泊舟胥江與稼梅話別聯

句時戊辰十一月初八日漏下三鼓

相別每黯然此別意翻快吳江楓乍落稼一帆喜

初挂烟水浩無邊凌萍蓬絕根蒂執手語不休稼

眠餐互囑愛摺起萬疊愁凌且與悅情話尊前剪

紅燭稼酒兵服巨帥散打盞能船凌誓了飲中債



青門詩集卷一  
天壤聚怪民稼胸次闊無外不似寒號虫凌逢熱  
便欲敗冬宵徒覺短稼愁城忽崩壞推篷月到窓  
凌鏡裏不用蓋坐擁再洗盞稼能籌雜如蔓婆娑  
雙鬢影凌偏與雪霜賽各老各嫵媚稼童心尚耿  
在百年本一瞬凌擲米學校猶人生不朽業稼假  
借馮大塊相期各努力凌藝苑耨萬禪務令承學  
徒稼不受非種害晚歲竟如交凌筮得同人卦心  
期託松柏稼冰雪久能耐况逢賢主人凌磊落樹  
風概嚴武寬禮教稼東野欲受拜明朝我速去凌

江流恨分派君南我將北稼靡：苦行邁打鼓又  
發船凌仙舟不同載遲君他日歸乘興或訪戴稼  
錢塘夜泊凌晨發舟不得一往湖上

一身南北被饑驅山水應教笑役夫不分錢塘江  
上客短篷烟雨夢西湖

舟泊富陽春江第一樓

小隱山前艤客舟誰能伴我作閒游同行問徧無  
人應獨上春江第一樓

謁嚴先生詞



雙臺百尺倚晴空。七里山光落照中。拜罷先生放  
船去。片帆輕借釣絲風。  
空山香火古祠門。石碣留題剝蘚痕。雙足不教加  
帝腹。千秋誰識布衣尊。

江郎山

山頭三片石。相傳為江氏兄弟所化。每多  
烟雲護繞。行人十不一見。是日晴空如洗。  
獨露竒峯。亦旅人幸事也。

仙山長遣烟雲護。多少行人不得看。今日青天洗

偏淨儘教老眼賞竒巖

峽口早發

席帽晨征客。凌寒出峽村。曉峯猶挂月。茅屋未開  
門。怪石驚人影。繁霜殺燒痕。頻年行役意。閒共僕  
夫論。

相逢行贈辱谷生日

人生相逢那可必。梗泛萍飄各踪跡。苟非會合有  
夙緣。往來良朋覲面失。君携長劍學從軍。破浪乘  
風樹竒績。我甘貧賤老無成。兀窮年守蓬蓽。以



青門詩集 卷一  
茲同里三十年戴笠乘車不相識及君分閩海陵  
城走使馳書報尺一開絨纏綿見情愔恰似曾經  
教晨夕勸我登車趣我行丈夫胡為戀鄉邑我聞  
此語竟出門狼五山前片帆急是時亥春三月初  
一路東風送行客到日謂君蓮幕中握手一笑情  
轉密從此相依作旅人肝膽共披無間隔顧我懶  
慢一無能獨與酒場為勁敵生涯惟用酒為年十  
日不得一日醒多君愛而忘其醜始信嗜痂有真  
癖去冬君移三山節席帽相從走南越七里灘頭

共泛舟攬取烟霞入詩筆行踪又復寄桐城忽  
殘年度將畢方期把卷話素心不道天涯判咫尺  
溫陵太守折簡招郡齋為我虛前席二千石內分  
餘俸臣朔不饑殊宴適但恨與君阻良晤酒闌夢  
覺每挹芳草忽過修禊後燕子飛柳絲濕正  
值君家初度辰紫陌晴光弄顏色我來祝君鮮諛  
詞口誦新詩為君揖天涯應少好弟兄爾我便同  
休與戚相看白髮各上頭何事尚為形所役期君  
宦成歸去素南山之南北山北背郭草堂已荒廢



與君把茆重葺葺

食荔枝

吳家園裏坐斜暉倚樹攀條飽食回折得一枝人  
共訝數來一百十三枝

不到閩中辜負口錯疑仙果在間無朝來喫過陳

家紫又理饒牙向荔奴陳家紫為荔枝上品獨後諸種而熟

日熨霞烘露氣凝化工妙手洵通靈碾成無數珠

砂果一還雕粉米形

唐時遺種今還在珍重黃郎特送嘗相見華清當

日事餘甘流得口頭香黃神遠園中有荔枝五株相傳為唐時所植以數枚

別桐城

小春風日煖襖被出桐城行李裝書重人情落葉  
輕好山笛不住明月也同行熨貼眉端皺如今歸  
訖成

瀨溪道中

纔穿石磴又溪坳度澗籃輿似小舫沙磧耕餘牛  
力懶荒村人過犬聲高路緣吟苦渾忘遠眼為山

青門詩集卷一

三



多亦告勞怪應江楓紅欲醉夕陽剛見下林梢

渡烏龍江

老畏風波險江流雨後渾東齊千澗水畫斷萬山  
根奔浪粘天黑鷺沙捲日昏得歸生計穩準擬閉  
柴門

夜泊黯黹灘

亂石奔流怒不平孤舟一夜枕溪聲已將塵夢洩  
來冷更把吟魂瀆得清野僻荒雞頻失曉戍殘寒  
柝不成更經過黯黹灘頭路始信浮生似葉輕

十一月十五日水口舟中作

兩岸丹楓錦不如暖烟晴日映郊墟故園景物依  
侬似籬落東風二月初

釣臺舟中遇雪

千里江山詩世界一船風雪酒文章老懷不管興  
亡事但對西臺笑一場

題嚴先生祠旁石上

寂歷荒祠枕翠微斷崖殘碣冷斜暉千秋人物闕  
星象一片江山屬布衣出處事期吾道合烟波心



與故人違此身不入龍鵬夢總遇周文載不歸

先生釣臺人多不登敢謂其不利于行客也

同行二三友皆不欲登予獨登之

江天一望水雲寬欲把心期想釣竿獨立高臺發  
長嘯利名人在下頭看

青門詩集卷第一



青門詩集卷第二

樵話菴稿

移居大癡山房和胡紫隣韻

歸來料理舊清貧  
抖擻征衫一斛塵  
借得荒寒蒼莽地  
養成歷落不羈身  
杯鐺以外原無事  
屠釣之中或有人  
準擬花前撐老眼  
十年不看故園春  
結箇茆廬傍石城  
但堪容膝不求精  
亂生荒草侵書席  
偶落孤花點石坪  
索飲囊空遭婦笑  
登山路



近挈兒行池堂柳色濃于酒坐斷間闕百轉鶯  
杖頭日辨青錢買醉春三月天半榻野雲松  
影外一帘疎雨杏花前頻年怕請登樓賦此日惟  
歌招隱篇已分伶俜強棲息敢云出谷似鶯遷  
每携簫杖與詩瓢溪友山翁取次招但以懶時憎  
叔夜誰于醒處識寬饒丹文小篆標狂客閩人贈林  
印狂容綠字頭銜署玉霄予受工清寶錄千仞岳頭振  
衣處月明吹笛遇王喬  
和南樓晚春

坐斷春陰小院幽不知何事忽生愁落紅盡逐東  
風去只有楊花戀白頭

滄漁索和六十自壽詩次韻

粉、過眼盡雲烟遠世幽棲性自偏病後酒腸慳  
戒飲老來詩骨瘦宜綿踏殘陳跡成吾懶教編窮  
文覺汝賢落、晨星幾人在白頭相對說流年  
一日千秋志不移如君與我是相知酒闌共訝雙  
蓬髮吟苦相看各縞眉最憶小樓吹笛夜難忘孤  
館對牀時故人書札經年隔忽慢敲門索和詩



次韻荅瞿貫卿見贈

得歸茆屋遠危機，好友相招此暫依。  
長劍青囊皆竹枝，征衫著破換荷衣。  
四無礙已隨心滅，七不堪還與世違。  
老守菰蘆誰念我，多君時訪釣魚磯。  
論交難得歲寒姿，却怪相逢十載遲。  
力去陳言還大雅，別裁偽體見真詩。  
塵心冷似將灰火，世事紛如乍劫棋。  
只有南村晨夕友，雞鳴風雨便相思。

題葭游圖

波光煉足十分秋，紫蓼蒼葭各占洲。  
無限江天好

清景盡情收拾上漁舟

題畊圖

落日柴門老樹邊，餅壚飯甑接炊烟。  
饒他相印懸如斗，不換城東二頃田。

題白頭翁画扇

東風點點蕩綠楊，柔好烏多情語不休。  
叫得花開又花謝，也應愁白一春頭。

題扇頭末利花

寫生花朵看如活，試問濃家摘得不。  
借與綠筠籃

廬青晚涼簾幙正梳頭

庚午除夕對雪書懷

空山歲晚佛燈紅  
苑屋人家烟靄中  
爆竹不驚兒  
膽大餅壘交罄婦  
謀窮一年事了催  
詩兩半夜花  
飛捲雪風多謝天  
公慰貧薄粧成  
圖畫媚山翁  
坐溪山館一燈紅  
往事追思十載中  
羸比灌夫恒  
罵坐文非韓愈不  
驅窮孤蓬夜泛三  
溪雪席帽晨  
欺百丈風今夕團  
團開笑口的應  
玆重白頭翁  
辛未元日雪齋次除夕韻

曠曠初日射窓紅  
小字宜春貼正中  
滿地畫錢渾  
作賤是山粧玉豈  
云窮袖痕猶浣殘  
年酒簾額還  
驚昨夜風從此莫  
籌兒女事癡聲學  
做阿家翁  
莫道哀顏借酒紅  
神仙多出酒杯中  
但期飲量隨  
年長不怕詩才老  
便窮勒凍柳還遲  
燕子借春梅  
已約東風比隣又  
理雞豚會侵曉  
敲門喚社翁  
新正三日劍却宮  
元雲湘爾穀飲山  
齋次前

韻

雪圃泥融菜甲紅  
擣香篩辣草堂中  
淡交朋舊慙



趨熱適今样餐不諱窮三月鶯花到夜雨一年簾  
幙又東風毳兒張丈馮呼取潦倒真堪愧此翁

紫澗索余除夕元旦詩再疊前韻却寄

楫拙爐深活火紅柴扉晝掩寂寥中無門乞食辭  
偏拙有客徵詩道不窮世事看如雲鳥陣人情笑  
比馬牛風多君不惜閒書札遠寄空山拾橡翁

迎春日劍却招同雪坡西園後湄集滙濱草

堂後次前韻

春郊競說絲幡紅不憚芒屨踏雪中荏苒鬢毛無

那老代更時序豈終窮竹爐冷罨炊冰火柳市晴  
翻剪葉風五十流年猶欠一相逢應怪浪稱翁

元夕獨坐山齋再次前韻

坐對寒檠一穗紅傳聞燈市滿城中飄來綺席歌  
偏艷照到茅檐月亦窮靜結雙趺依佛火洗清兩  
耳受松風癡兒駭女能尋樂擎出魚龍嚇老翁

次韻贈遵王移居也是園

不教榮桑與浣溪誅茆卜宅此偏宜試泉香泛松  
花梳邀月涼侵竹葉危小築亭臺聊點綴頻繡書



卷任參差野情準擬盟鷗鷺浩蕩烟波信所之  
不煩花柳鬪春妍天與丹丘本自然綠水簾前金  
碧畫未闌橋外蔚藍天尋詩杖向松根倚點易珠  
垂露下斫却笑俗人渾不解定從蓬島覓神仙  
丹崖列幃又圓屏排闥嵐光入戶庭銘座豈云斯  
室迥移文不媿此山靈抽絲細似三縑繭識字多  
于半夜星十丈軟紅飛不到碧桃花下掩雙扃  
獨樹柴門是隱家土人地本清嘉青魚船直臨  
窓檻沽酒帘惟隔杏花人境人喧何足厭吾廬吾

愛洵非誇百城南面真堪樂靜掩書堂玩物華

和遵王春夜

後堂闌檻靜沉沉春淺其如夜轉深病枝數移鸞  
帶眼夢寒長守鳴爐心一絲情向花前挂別種香  
從枕畔尋閒對殘缸笑消息曉鶯啼斷到如今

虎丘偶見

早梅香動雪中枝擬露春纖折又遲忽見護花幡  
上字小闌干外立多時萬歲樓前小梅一株曾經

攀勿得



仲夏露漚招集湖莊同雪坡南厓用靜寄東

軒分韻得靜字

湖村赴嘉招綠堤放舫艇波光淨如拭人影疑在  
鏡浦澈數家分林塘一里近岬間沙徑荒竹裡柴  
門靜酒熟過隣墻飯香出瓦甑近局時勸醉危途  
絕趨競夕陽漁唱低明月書教冷此景人不知後  
期須記省

山居雜興三十首

游倦歸來退棲巖谷銷聲匿影與世相遺

非有以自老而無求實未免畏人而小築  
雖半菽不飽寧廢嘯歌三日無詩便傷哀  
晚日長山靜花落水流觸景興懷雜然成  
詠韻有後先語無倫次信心衝口無非道  
說家常妃白取青豈敢貽譏大雅未堪持  
贈聊以自怡辛未夏五廿四日

十載携家滯海東如今歸作灌園翁  
荒門外三义路書散牀頭四面風  
老結道緣真有味窮研詩律竟何功  
客來莫話人間事冷却聽松耳便聲



世情冷落道情濃。回想年時萬事慵。三月醉騎官  
廐馬。五更吟斷驛樓鐘。交游但問懷中刺。心力空  
悲廡下春。書卷廢來長。劍膏歲寒相守一枝筇。  
社酒新。葛酒瀉。碧江茆櫓相應雨涼。一雙乳燕初  
辭壘。萬片狂花盡入窓。竹院露香侵藥竈。寺門松  
影落。絳幃閒。中歲月殊堪惜。疾似輕舟下急瀧。  
嫩寒山館。麥秋時小雨。軒墀事。宜新插。棹籬隨  
路活。蕞生藥本帶花移。荒厨火冷晨炊晚。病榻香  
溫午篆遲。且喜柴門無剝啄。讀完一卷劍南詩。

嘆老嗟卑事盡非。生涯原與世相違。百年花月三  
春病。萬井農桑一室饑。釀蜜蜂如晨市鬧。過春蝶  
似舊交稀。山家自有窮供養。新種黃團已漸肥。  
家事無成樂有餘。得閒曾不負居諸。殘書夜。和  
燈掩短鬢朝。帶雪梳。擗擋鶯花仗。詩酒差排山  
水任樵漁。清貧獨享真無價。用斗量金不換渠。  
齊門當日枉吹竽。投老今為山澤癯。已分甍肩安  
骨相。尚嫌薄命負齷須。吾生每自仿機杼。客態從  
他轉轆轤。回首風塵成一笑。釣魚船上是良圖。



一枕騰飽瓮。養起來。憐曲又招携。聽鶯出谷如  
良友。挈杖登山。當小奚。細雨釀成梅子熟。好風催  
放竹。稍齊行吟。不覺歸來晚。柔柘陰中日。又西  
杳鑿方圓事。已乖枉。將身世。費安排。千秋士盡悲  
詞老。幾箇人能醉死。埋量比海寬。容俗物。福如天  
大坐。茅齋飯餘且了。閒工課。手汲新泉灌菊莖  
草堂清晝。四窓開落。圓陰覆綠槐。對蜜好鶯常  
不去。門閤野鹿亦頻來。人從湖海求豪士。天與山  
林養散才。詩就欲題何處好。試尋崖石拂蒼苔。

荒涼門巷。斷紅塵。人自生疎。鳥雀親一卷。殘書閒  
粥飯。教竿修竹。冷鄉憐胸襟落。如無物。手腕騰  
騰覺有神。睡起呼童敲石火。龍團先試兩前春  
曾看揚州十里春。當時情思亂于雲。香奩小字題  
紈扇。醉墨斜行。沈練裙。但怕深杯辭百罰。何愁明  
月不三分。如今老向空山裏。絳帕蒙頭坐夕曛  
不成籬。落不成門。三兩人家。便一村。高搭豆棚遮  
日脚。斜開花徑。避松根。雲歸遠岫。全宜懶。泉落方  
塘半帶渾。坐看吹烟起。林際。清晨無事又黃昏。



誰說貧家事鮮歡婦酌夫勸足盤桓桑葚乍熟漿  
如酒麩麥新收餅似盤山若有情和我老月還無  
禁儘人看一尊且了今朝事切莫臨風獨倚闌  
平生綺語盡應刪與去真當絕往還眼底正如焚  
楚炬耳根渾似塞秦關老而好學徒虛語窮不趨  
時膏壯顏塵市斷無容我地寬閒惟有荻花灣  
垂老生涯只信天騰兀度流年逃禪未必能  
離酒諱死何妨號學仙茗椀藥壚知有分好天良  
夜豈無緣閒來策杖經行徧只在烟村水郭邊

林間散髮自逍遙閒裡光陰豈易消飯軟茶甘殊  
自適酒醒香冷鎮無聊打柴幸喜山翁健上樹從  
他稚子驕携得大痴蕭杖去滿頭明月坐湖橋  
悠悠身任任譏嘲無用甘為不食飽夜逐隣兒尋  
蟋蟀曉隨園叟捲蟪蛄自填詞解依腔度借得書  
能夾註鈔一室儘堪容我膝絕勝斗大樹頭巢  
十年湖海飽風濤無恙歸來賸布袍獨坐但將心  
自語對人只是首頻搔一場大醉愁魔死半夜狂  
吟窮鬼逃偶出柴門向西笑茫茫無際碧天高



又是山前急雨過池塘。漸響新荷，引涼入座。剛  
敲籬借綠，臨窓絡女蘿。顧影自憐，吾老矣。放歌其  
柰酒醒，何已知情。天公意，問絕無言，莫問他。  
近日思量，欲作家，幾般工課。向人誇澆，瓜多受黃  
梅水浸，酒勤收白菊。花為護，蜜房沉破壁，試囊螢  
火，剪輕紗。即今便了餘年事。此福天公，或肯賒  
醉固陶，醒莫狂。偶然歡笑，且逢場。肯同嫖母論  
妍醜，難與侏儒較短長。窮狗具形，寧學犬，蝸牛伸  
角，漫誇強。逢人盡道呼兄好，愛敬誰能及孔方。

遼天風緊，片雲輕雨，後山容洗得清。野老相期，尋  
藥去，鄰僧來約。聽松行，忘機白鳥，依人立得。食蒼  
鷲，抱樹爭靜裏，自如游太古。與誰閒說住山情。  
綠堤芳艸路青，偶向林塘，放小舸乘興，直過湖  
口。寺選涼貪坐竹邊亭，挑來野菜，剝盈把，買得却  
酤。不滿瓶，落日銜山歸去晚。采菱歌，又起前汀。  
匱乏相周，仗好朋，牀頭并斗日兢。一年最怕三  
時旱，八口欣逢二麥登。遲暮居，諸真可惜，太平生  
長，有何能。山厨淡泊，休相笑，不見休糧絕粒僧。



山郭高位綠樹補城如鳥翼下譙樓兩湖明鏡東  
西映一嶺烟嵐內外浮古碣分流來屋裡虛堂傳  
籟出牆頭向平若見吾鄉景定不思從五嶽遊  
把臂誰堪共入林無絃琴古少知音從來不解看  
人面何事差能豁我襟團扇醉搖隨口唱山花亂  
拾滿頭簪風懷如此良非惡止足消磨一寸心  
尻高首下我何堪老鈍如鎚事不諳惡客怕于逢  
海若好詩難似見復曇輪困肝膽誰邊露細膩風  
光若箇擔閒倚長林松樹下一聲清磬出茆菴

就涼枕簟夢偏甜睡足三竿日滿檐謀醉老妻翻  
瓮脚索餐兒子挽翁髯悲勸自昔元無準食宿從  
來豈得兼詹尹狐疑應似我不煩端笑拂龜占  
三間老屋枕松杉盡日閒庭草不艾日落湖光爭  
激灩霧深山勢失巉巖懶思就榻安書架奕愛當  
風試葛衫莫笑空齋無長物叢殘詩草滿瑯函  
雪坡愛余山居詩為仿宋人書法寫成長卷

見貽復作此以自嘲

撚斷枯髯未覺勞也應歡笑也號咷放聲讀處人



皆歎信口成時我自憂無用拾來粘破壁有緣留  
待覆香醪多君謬愛狂言好不惜淋漓潑墨濤

寄石谷

白頭不分數離群入眼知交半兩雲三十七年圖  
畫在空齋相對我和君乙未歲石谷為予畫劍門  
對圖至今猶懸齋壁時當晤

和武伯白鬚

春苗鬱々竹離離黑亦堪憎况白為也有勞他點  
染處青山紅樹策筇時

辛未除夕

次庚午  
除夕韻

喜報缸花的爍紅漏聲將盡爆散中叮嚀白髮支  
持老狼籍青尊判斷窮疎竹冷侵臨水榻小梅香  
動漏籬風且須飽喫殘年飯明日平頭五十翁

壬申元日仍用前韻

膽瓶斜插野花紅茶臼香清一室中天若許藪千  
日醉人能耐得百年窮好山似睡還疑醒新柳纔  
煙恰又風眼底韶光信偏黨盡情交付與詩翁  
渡京江夜泊瓜步

來去京江十載多。白頭重向此經過。長年三老應  
相識。笑問勞。待若何。  
隔岸漁燈滅。復明。夜深刁斗靜。江城垂楊葉。禿啼  
鴉。睡。閒。殺。蕭。暮。雨。散。

新柳

二月春風快。絲。剪得工。不眠到耐曉。無力怕朝  
東。笛喚新愁起。眉。矜小樣同。鶯黃休染。偏留待杏  
花紅。

新蝶

乍向籬邊見。悠揚似有情。宿宜纖草軟。飛逐落梅  
輕。紈扇描初就。羅裙繡未成。莫嫌雙翅濕。花底正  
初晴。

新月

才到初三夜。虛弓旋上絃。暫時升屋角。頃刻度花  
前。但願常。見何須箇。圓嫦娥應自愛。未易露  
嬋娟。

清明前二日同雲湘北郊閒步小憩沈家亭  
子



青門詩集 卷二  
趁晴徐步入烟霞一徑逶迤出郭斜是處柳陰皆  
酒慢誰家屋角不桃花投閒杖屨能賒我送老風  
光肯負他游具莫言無濟勝滿頭霜雪鬪年華

黃一經五十索和

爾我同生癸未年亂離猶幸得安全白頭兄弟寥  
寥矣青眼知交落：狀作達生涯唯痛飲閉門滋  
味只高眠莫云百歲才交半歷劫分明龍漢前  
楚老從來活計饒水宜投釣陸宜樵燒船且自留  
窮坐把卷應須有福消杖底青山閒得：帽檐晴

雪冷蕭：何時訪我茅齋裡一椽夷猶過殿橋  
荒涼門巷長蓬蒿不與崎嶇世路通心跡野雲離  
遠岫年華去燕逐來鴻書還健請何妨老詩已能  
工直得窮我獨空山養榜散懶眠饑飯一無功  
字內勞：總寓形候門應不換山高當塔岬色春  
回綠入檻嵐光雨後青人靜行時原似坐夢清酣  
處尔如醒俯觀萬物徒擾攘一點看猶江漢萍

病榻閒吟

病魔連日苦相猜引老呼愁作淚來好友代書賒

藥券餉參憐翁親送，渴難杯紫酒足如宿驚。寒頻縮眼似鰓魚，倦亦開苦木。三冬無煖氣，一壚活火旋成灰。

再疊前韻

我于二豎本無猜，此病知從何處來。頭暈定緣丁薤髮，口焦多為知貪杯。生憎月向眠時好，叮嚀梅須健後開。數盡山城寒夜柝，香篝猶有未殘灰。

三疊前韻

菜園羊踏忽驚猜，為有參苓入口來。予從未服人參今腸胃中

初沾其味故有饑覓禹糧空，煮石暖無燕王且銜。羊踏菜園之詭杯避風枕，簟隨時徙。向日軒窓逐扇開，漸覺陽和從地轉。起看葭館候飛灰。

四疊前韻

兒慧能將翁意猜，不呼時向榻前來。頻拈落葉添茶火，亂挽枯髯進藥杯。客至一觴常解引，醫來兩版亦能開。病中有子應堪慰，此外都教付劫灰。  
長至夜家人勸飲，既為甜酒所苦而篝燈復黯澹。不明欠申思睡枕上背誦舊詩以消。



永夜

笑憑兒女勸深卮其素家貧事未宜燈暗似陪盲  
客坐酒甜如受小人期閉思身世溫殘夢老試聰  
明背舊詩旅食頻年驚歲晚難逢長至在家時

歲暮山居十樂

行樂無妨期于性之各適苟違其性即窮  
天下可喜可悅之事人以為樂我自生悲  
山居蕭寂即事多欣言志惟詩託之吟詠  
此吾性中自得之樂又安知非人以為悲

也壬申臘月朔日

湖田數畝今年膏盡柴門靜掩追呼不聞  
八口今無一畝田合適齋釜趁流年不然誰許門  
長掩歲晚空山白晝眠

看兒子雪中放紙爆

積雪深林爆竹宜一殼激越白霏、癡兒拍手稱  
奇事臘月漫天蚨蝶飛

草堂四瓦無鄰夜半狂吟不遭訛罵

半夜吟成酒乍醒把詩閒步遶空庭不須就正隣

家姬喚起山妻請與聽

近得灸硯法水既不凍墨亦不焦

寒窓灸硯火微紅墨汁池凹一椀濃近學學窠誇腕力亂書春帖贈山農

寒泉一道從屋角流出飲酌裕如

寒泉屋角自滌涸活火茶爐傍石煨絕勝他家常

抱甕遠從高道汲將回吾鄉高道泉品不在惠山泉下遠近取無虛日

偶步林間拾松子一筐可供茶竈數日之用

黃葉成堆石徑埋趁晴閒步試芒屨千峯萬壑無

人跡一箇山翁獨打柴

一作南樓

旭日射窓一室虛白因憶南樓和予山居詩

有新糊牕紙亮于紗之句有味乎其言也

瞳矓初日射檐牙一室透明絕點瑕因憶南樓詩

句好新糊窓紙亮于紗

日對寒巖枯木都無生氣新種山茶一株冒

雪紅英垂欲吐

滿庭木葉寂寥中老樹枝頭忽放紅一笑相看羞可比小姬塗抹媚哀翁



清言集卷二  
六  
濶翁臆醞甚富墻頭頻過不悵  
矮墻西畔有芳鄰常自分來瓮底春不似東籬陶  
處士重陽方遇白衣人

正念吾友張石樓忽寄水墨牡丹二枝懸之  
樵詒軒中以當晤對

富饗花將淡墨描一般風韻自然嬌故人遠寄須  
珍重茆屋三間鎖二喬

擇乳師過訪有詩見贈次韻奉酬

桼杓過從未有期忽聞剝啄啓疎籬荒厨未辦伊

蒲供請嚙山居十樂詩

一幅名花筆致幽與君吟思竝風流若教傳向揚

州去憶殺顛狂張石樓原詩有一幅花香對石樓

瓶墨水墨也

清河九十翁過樵詒菴生談往事嗽以蜜羅

柑作詩見贈次韻奉酬

天留碩果老還堪策杖來過樵詒菴眼亮尚能書  
小楷齒老猶解嚙香柑未知我法如何是款活君  
年尔著貪眼底雲烟都過去莫將往事又重談

壬申除夕

妻孥向我問行藏  
老大家翁話亦長  
賣不盡駢存  
滯債養成功拙得  
竒方自甘陋質如  
鈍人怪枯  
髯似戟張且了一  
般通俗事短牆  
南北五倉箱  
未畫倉廩于地謂之五  
未同吳下鄉風也

同南樓山房守歲次韻

生對寒牕暮雪天  
老年兄弟話流年  
憐君身世如  
飄梗笑我生平不值錢  
急景易消清夜興  
淡交能結白頭緣  
明朝便擬登山去  
布襪芒屨各奮然

癸酉元日次守歲韻同南樓作

宵來密雪曉晴天  
殘醉初醒又過年  
社叟約聯雞  
黍會却僧催送佛燈  
錢入春梅柳新詩  
債卷畫湖  
山舊酒緣莫道風光  
餘九十動頭歡賞已  
陶然  
立春前一日紫濤西園南樓過余山齋清話

浪韻同作

少壯驚看忽老夫  
春將入眼得知無  
受霜菜甲如  
酥嫩飽雪梅英似  
豆粗  
隨意吟成欣共賞  
有時醉  
倒互相扶  
歲寒幾个忘形友  
白首猶問爾汝呼



鄧尉看梅花雜題

橫塘西畔席溪東如畫湖山夢想中間與梅花談

契闊別達二十一春風游子日祭五歲同滄澳雪坡

烟縵如畫淡還濃不是房山便一峯添得他家新

粉本亂雲狂雪一重

杖藜不似筍輿忙得閒行度石缸萬斛冷香狼

籍處誰家茆屋忽開窓

每年驚蟄是花期今歲花期較獨遲只有老僧偏

記準祠山風信落梅時二月八日相傳為祠神生日

神生日相傳為祠神生日

香市中間隱翠微濛：花霧淡斜暉如何二月中

旬候尚有漫天白雪飛

塵網何年得破除便應來此結茅居千株梅樹三

間屋一箇衰翁萬卷書

酒家墻角兩三株高挂青帘喚客沽雙手背叉頻

仰嗅粉香飄墮白鬚鬚

漫山繞徑又緣溪密：疎：高後低欲覓奉慈菴

外路山童說在亂松西

天將奇福付吾儕肯負深杯不放懷有興倘能同

醉殺酒菟花魄一堆埋  
莫言容易此看梅五十年中只兩回假使餘年還  
五十也應難得逐年來  
冰肌雪貌玉精神意思全無一點春映水教枝開  
未足似留寒艷遲詩人  
翫天香靄畫氤氳十分青山白九分老眼漫看  
未準不知何處董家墳  
湖邊新闢繆家園裏梅花開正繇不見主人花  
下立一林香雪自黃昏

乍經春暖又春寒待得花開月又殘總使人生肯  
行樂幾回花月一齊看

木魚聲响出松關中有高僧盡日閒一室妙香通  
鼻觀梅檀林只在人間

凌碧雙松古寺前昔賢手澤至今傳我來拂拭殘

碑碣斷雨零烟看不全奉慈寺前相傳有趙松雪

寺僧補值二檜亦成連理松雪舍舟同上虎山橋布襪輕便不覺遙莫把好天輕

放過最無憑準是明朝



墮粉飄香黯自驚  
醉眠花底動癡情  
若教百億身能化  
一瓣飛來一觥盛

麗明子封竹里過訪小酌山家醉後坐典雲

庵草詒

草舍荒山狂斜蕭條四壁不成家  
敲門忽到素心友  
映水恰開紅藕花  
近喜談禪詩似偈  
老能誇飲酒如茶  
芭蕉葉大桐陰滿  
赤日行天不用遮

竹里復過山齋疊前韻

槿籬歌側豆棚斜  
認得空山獨對家  
半畝濕雲分

竹色一庭深綠養苔花  
就涼几席晨丸藥  
過雨軒窓午焙茶  
準擬與君同結隱  
三間老屋把茆遮

九月十二日南徐幕府與夏無庵秀才席上  
聯句成四十韻  
明日無菴復作四斷句見貽

次韻笛別

飲散秋堂夜雨催  
綵樽紅燭尚低徊  
西風不管愁人事  
盡捲江城畫角來  
情懷牢落話縱橫  
耳熱歌呼百感生  
難得多情紅袖客  
新詩雖好不知驚

少年結客老離群  
翻手看來忽作雲  
好把河髯牢記取  
他年戴笠倘逢君  
歸老江干已有年  
野人名姓不堪傳  
君從尚父湖頭問  
有個儂家放鴨船

附無庵原倡

吟捷何勞擊鉢催  
我歌君和重徘徊  
三條檠燭都燒盡  
添陣松風謾<sub>來</sub>刺  
穢懷中悵襴<sub>衡</sub>儘容  
世俗笑狂生  
虞山詩老真奇絕  
一語能令四座驚

白社風流不可羣  
頭銜管領水和雲  
全身若入西園<sub>丘</sub>認取  
于思是此君

我識高名已十年  
江東羅隱世爭傳  
儒冠久矣思<sub>盛</sub>溺<sub>欵</sub>與先生  
上釣船

石樓聞余在湖州  
冒雨渡江相訪予  
又將買舟南下執手  
旗亭黯<sub>然</sub>欵絕復疊  
前韻四章高誦痛飲  
而別

落日西風一棹催  
旗亭衰柳共徘徊  
不須更問情何似  
半夜涼江冒雨<sub>達</sub>



殘山賸水慘離情  
晚心期託友生  
忽見帽檐霜雪影  
未曾開口已心驚  
高情逸思總超群  
一片秋空絕點雲  
到處逢人吾未說  
不知何事盡知君  
與子論交十一年  
癡張髯印互矜  
傳生涯說著都堪笑  
同似中流未泊船

附石樓和作

為語船娘莫漫催  
月明風細且遲徊  
未妨柔櫓輕篙去  
待我相思入夢來

江流不斷遠山橫  
臨水登山感易生  
莫唱子山揚柳曲  
少年不覺老年驚  
閒中屈指數同群  
強半年来似斷雲  
雅正在六安達通儀在泰  
江南流落一髯君  
梅花樓上憶當年  
左右風懷老尚傳  
記否何憐沈醉後  
泥髯斜抱送歸船

江天寺

半空蜃氣結樓臺  
漚裏須彌亦壯哉  
往咸鎮海將軍張公命子  
扶鸞請題金山寺額  
通狠石未能超海去  
怒濤直

詳書漚裡須彌四字

三

欲上山來雲堂暮鼓齊時動烟渚秋帆雨後開  
試向江天亭外望似萍身世實堪哀

青門詩集卷第二

國家圖書館, NATIONAL CENTRAL LIBRARY, TAIWAN, R.O.C.



青門詩集卷第三

釣艇集 甲戌乙亥

甲戌除夕挈家廬湯郡齋度歲

男兒生即試蓬桑垂白猶狀寄四方十四樓書從  
借與二千石俸許分將老妻病喜逢春健稚子頑  
看逐日長身世宛如垂釣艇一回閒泊即家鄉

樓注  
書注  
人所藏

乙亥元日



落：萍踪是處宜官齋只當小茆茨未妨晚歲長  
為客且喜新年必有詩靠壁毫頭儲臍醞朝東臆  
子納朝曦龐頭問編梅花信至竟無人寄一枝

寄鎮江張友吉

曾憑縞紵訂初盟晚晚心期託友生失路自憐狂  
阮籍引車深愧老候嬴三更唱月停歌板十月催  
花放酒兵高會只今誰繼取渺懷長繞寄奴城

哭劍村爛歸里廬

楊子江頭一棹輕落花風雨送殘春禁持一掬天

涯淚千里歸來哭故人

凌晨過我埽衝黑薄暮來時話到明從此空山黃  
葉路定無風雪叩門聲

秋日廬陽署齋襟詠五首

白髮飄零老寓公又看黃葉走西風人情故國原  
如此景物他鄉自不同治產未能師范蠡携孥深  
愧學梁鴻客愁大半消除去只是難聽繞砌蟲  
未得登高縱日游行吟維傍短牆頭感秋懷抱徒  
礪阿送老生涯只謬悠十萬幾能騎鶴去三千多



青門詩集 卷三  
分爲臭留可堪踏處皆陳跡却笑團圓似磨牛  
官齋西畔讀書教等紫兒曹日長成但願添丁翻  
筆墨敢期鐵柱到公卿鬧憎古木群鴉集閒愛空  
庭一雀行多謝新涼到簾幙惟人料理短燈檠  
堆案文書似艸苦每交陰後又加添本無蛇影沈  
盃底那有蒼蠅集筆尖已分一身如捩轉尚嫌八  
口類膠黏未應蓮暮翩客猶自經營及未鹽  
小窓深夜獨徘徊聽斷三通鼓似雷涼月漸辭書  
榻去好風時傍豆棚來苦吟翁把燈挑盡惡睡兒

將帳踏開覺有秋殺在何處一株牆角半枯槐

乙亥除夕

旅人情味不堪談且喜今宵飲乍酣萬事未能何  
但四百年過半又加三詩肩瘦削寒逾聳酒態低  
昂老愈慙悔聽妻孥說鄉國令人忽憶舊茅菴

丙子元日立春

兩度立春逢正旦九年作客在他州  
乙丑在泰州  
皆元日棲無定著如梁燕鞭不聰明似土牛但願  
立春日綠尊長歛灑肯容白髮不風流欣看椎髻梁家婦

絲勝朝來也上頭

雪中渡浦口

七里洲南浦口東又乘單舸逐歸鴻打頭巨浪粘  
天白上頰春醞闌雪紅芳艸色中南北路亂帆影  
裏往來風七年競指須眉笑認得勞問渡翁

馬燈

竹馬糊燈鬧火城風鬢霧鬢各分明驛驢十萬征  
西去賸與兒童樂太平

登古渡巖

攀蘿歷磴又緣崖一上層巒眼界開怪石似人墮  
地立亂山如浪湧天末寺荒佛頂巢蒼鼠僧老條  
衣繡綠苔一縷茶烟起林際下方人道白雲堆

二月二日皖江客店聽雨

少日情癡解哭春夜聞猛雨輒傷神如今老去知  
無謂不作通宵不寐人

稻香樓雜題

芝麓先生別墅  
今歸合肥相國

柳陰深處好樓臺月戶雲房鎖不開白髮園公和  
笑道十年公相不曾來



履道經營慨昔賢鑿池疏沼事茫然一從洛社人  
歸後若箇閒居二十年

洞壑深沈白日陰空階行處綠苔侵斷無人跡唯  
荒草一院秋蟲自在吟

古堞秋陰接暝烟水明樓外晚涼天不知何處菰  
蒲響一葉撐耒放鴨船

東山絲竹罷流連擬結他年香火緣一片野雲留  
不住腰包又上廣凌船相國招廣凌石濤和尚  
耒主稻香樓不久別去

條談却原落日黃一教村笛下牛羊高樓不見人

危倚依舊西風送稻香

香閣博士擅才華粉壁猶存落墨花橫波所畫墨  
蘭一枝猶存

壁間人遮莫倚闌凝睇處橫波光在舊窓紗以傷橫波二首  
傷首

竝命齋牢枉自期幾人白首葬娥眉思量不及棲

禪寺猶博傷心一首詩東坡蔡朝雲于惠州棲  
念備前情之句今橫波蔡于稻香樓側無  
復有題詩而悼之者憑弔之下為之悵然

重陽日遇辱谷于舒城道中

戴笠乘車兩白頭斜陽古道話綢繆中即家客今

垂老莫更逢人說馬周

周延譽谷為余

丹楓黃葉好秋光難得相逢驛路旁且買一尊茆

店酒呂蒙城下作做重陽

我被饑驅子宦游思量身安總悠、何時同作歸

休計尚父湖頭理釣舟

料得難為上馬時不如乘醉且相辭待他酒醒愁

來候已隔龍眠兩不知

書感

乍涼天氣將哀客未晚書堂已下帟稚女驚移新

帶眼病妻催換舊生衣砌蟲散裏秋陰薄籬豆花

前夜雨稀輸與梁間雙子燕四回看別主人歸

枉將書券約頑童絕少筋骸作保傭白臙顛毛秋

判斷耗殘心緒酒彌縫選詩十日鈔千首選手錄四

成既鄉信四年無一封自是故園親串少非關中

散倚疎慵

廬州竹枝詞

尋山百里行終日問竹千家無一根但欲閒遊人

盡說包家祠在小南門



水落焦湖地勢寬蕩舟陸地洵奇觀長年三老船

頭坐憑仗劉家黑牡丹每遇焦湖水落舟航俱用

城中婦女傲莊家不出芸田不績麻盡日驅將小

兒子傍人門戶賣山楂

羊頭車子四邊黃鵲脚旗兒插兩旁一道紅塵三

十里兩前馳驛進頭網穀例前十日六安霍山等

于路羊九日見陽太守開宴鎮淮樓集同人登高賦

詩分韻得香字

莫謾登樓憶故鄉樓前無限好秋光巢湖水漲連

天白金斗城高落日黃四海弟兄方把盞百年時

序又重陽使君小試為霖手萬落千村早稻香

題西山驛夜集圖

甲戌仲冬月之望太守有事臨濡須屏涂輿臺却

徒御獨與二三賓客俱官清馬瘦行得未及百

里日已晡西山古驛久荒廢郵亭百舍一椽無幾

家野店倚衰柳菴頭矮屋黃茅鋪解鞍小憩殊宴

適尊卑環坐渾無拘須更明月出東嶺烟收雲斂

寒蟾孤急呼同儕共把盞烹鮮割炙勞行厨村醪  
雖薄沽易得百分散打從歡呼坐中歷可屈指  
誰其主者張大夫一客初從廣陵至尚基禹子官  
鴻臚一客孝廉隴西氏意氣奕朗神敦腴一客恂  
恂寡言笑白門王子文章儒平陽公子最年少蹶  
踏跌宕如生駒慚予落拓老無仗唯有滿頭枯髻  
鬚叨陪猶喜興不淺酒三行後心膽粗筆酣觸紙  
莽欲走狂言發處忘慙愚人生百年本一瞬俛仰  
今古如轆轤風流太守饒韻事當年爭誦歐與蘇

平山堂空未壁冷二公游跡俱荒蕪後之視今  
視昔達哉此語真吾徒主人聞語顧謂客今我不  
樂日月除酒闌停杯各起舞荒雜啜天糝糊斯  
游俯仰忽陳跡亟情游子為描摹留待五六百年  
後人間又一西園圖

青門詩集卷第三



青門詩集卷第四

歸來集 丙子至 丙寅

丙子除夕時久客初歸

掃除荒徑剪蒿萊  
依舊茆堂背郭開  
薄俗儘思推擗去  
好山偏欲喚歸來  
蓬頭兒帖宜春字  
白髮妻擎失歲盃  
世路已無驅使分  
祇應老死蠹魚堆

丁丑元旦

已辦新年不出村  
日高斜掩竹籬門  
十年悔別黃

三言  
卷四  
一  
蓬筮一榻仍依老樹根予有對根榻相鳥不成殺  
先弄舌柳方抬眼已銷魂野梅解識山翁意暗送  
寒香撲酒尊

稼黃松往樂志堂看海棠聽珮蔥花下度曲

倚醉有作

年暮春花事竟今年暮春花未盛白頭父老說  
季華不見清明少桃杏牡丹本號穀雨花前後三  
日開常準連朝吹過揀花風綠萼枝頭尚含孕護  
寒山館釀陰天兀哀翁失春興彭城公子忽打

門報道新開兩株錦須臾坐我樂志堂密葉依花  
當戶映晨暉乍暈粉頰融曉露初乾玉肌淨漢宮  
六盡捲簾美人帶笑臨粧鏡天狀妖冶足傾城  
敢以香無浪譏評主人命酒開芳筵更遣清歌助  
幽勝花前一曲過行雲花若有情傾耳聽酒闌歌  
罷日又斜我欲別花不肯繞花三匝復依細無  
言重向闌干凭少年看花不解惜老大解惜淚空  
迸白頭不稱伴紅粧鬢絲偏泥娉婷影一庭綠綉  
草如茵便拚酩酊眠花徑下寧坐客莫負明朝



風雨渾無定

晚春泛舟錦峯同露漚竹里分韻得塘字

一葉夷猶泛楚塘水光遙接好山光  
迴船綠浪分簾影野店青旂送酒香  
對景有情人自老與春無  
分絮空忙尚湖芳草斜陽外極目烟波正淼茫

連宵月色甚佳中秋夜風雨忽作掩關泥飲

示老妻稚子

馮將一語，兒曹萬事多從好處撓  
但記當頭有明月莫拋酒盞待來宵

瓦盆相對話綢繆婦勸夫酌兩白頭  
不是廣寒宮殿冷滿天風雨一人愁

呈陶邑侯

琴河舊跡已茫然疏鑿功成萬井便單父  
只今堪坐理一城淥水七條絃  
吾邑琴河七條湮沒已久為疏濬舊跡重復  
省稼三時命犢車山村水郭好年華  
春郊徧種先生柳不似河陽但看花

秋原晚晴

不畊而食老狂生也向秋原候晚晴  
莫道連雲無

一稜豆花柳亦望西成

和奕鳩公還家詩四首

文星垂象泰階平海宇清寧久息兵  
盡日手間思把釣賞花人老請歸耕  
天邊秋水還家興夢裡春明戀國情  
萬物俯觀擾攘甚何殊江漢一浮萍  
從來出處豈無由難進還應易退休  
分鹿士師原是夢爽鳩時代不知愁  
百年心跡雙清袖四海文章一白頭  
述作愧非洵謝手操觚何幸得從游  
洛社歸來乍引年靈光無恙獨歸然  
綠堤舊種先

生柳傍舍新栽君子蓮歌罷貫珠流  
席上舞餘迴雪亂花前東山儘有閒  
絲竹多恐佳牀未穩眠諫

云從此匡床得穩眠

詩書謾卷喜而狂已託鄉心綠野堂  
破睡解搜靈艸味送參時問木樨香  
牕前白日三竿足門外紅塵十丈忙  
好養丹山雙鳳翼等閒不教薛家郎

留石田飲次奕鳩公韻

老我無鄰又寡俦何期觴詠得名流  
肯拋綠酒明燈夜秉對空山落木秋  
謝傅堂前無佞士玄真門



外有偏舟軟紅塵土渾如海羨殺飄飄兩白鷗

丁丑除夕

喂芋爐邊兒女譁有家節物亦堪誇  
孟傾野店沽來酒瓶插山僧拈送花  
送萬松梅一枝竹寺鐘魚散  
互答草堂燈火影交加坐殘永夜無餘事  
細數盃蘭乍茁芽

戊寅元日

吾生五十六新年歷寒暄在眼前  
豈有乍斟椒醕日恰如初試葛衣  
天是初晴暖枯髯與雪偏相

姤冷面逢春不作緣擬向東君問消息  
一枝墻角已嫣然

新正四日雪坡止宿山房次除夕韻

門掩空山靜不譁紙窓竹屋領年華  
偶淹舊雨今宵話恰應春藥昨夜花  
急景有來還有去淡交無減亦無加  
瓦爐尚爇吹冰火旋撥松枝煮露芽

和酉君秋柳

一樹離披一斷魂與春無分掩重門  
寒生羗笛移商調怨入宮眉減黛痕  
細雨疎枝江上店夕陽孤

艇水邊村子山遺曲淒涼甚收拾閒愁與細論  
生小多情不自憐浪將眉眼擲輕烟早知病葉長  
啼兩肯放高枝亂滾錦白傳樓前供一曲章臺街  
裡住三年長亭自古傷心路衰草黃雲落日邊

小庭牡丹

花信將殘穀雨中連朝吹入牡丹叢小庭亦有工  
夫到天上原無勢利風

附和作

蔣廷錫

百朵紅深綠葉中一闌烟霧護花叢東君若解

相槿翠只放陰天莫放風

旖旎情懷老更狂醒時花底醉花傍白髮鬚上粘  
紅粉贏得三朝洗面香

十日花前作酒狂醉來移榻卧花傍三更酒醒  
夢初覺始信人間第一香

麝臍觸處檀心暖獺髓粘時粉頰融午夢乍醒人  
不見一闌晴日正當中

彩雲籠處風光膩紅暈輕時睡思融嬌煞更無  
人會得和身倚入小牕中



半畝庭中綠蔭濃高張油幕護芳叢花神裝點窮  
門面也與他家一樣紅

檀板金尊消好日短歌長詠繞花叢闌邊尚有  
平頭紫簾外先開照殿紅

粉靨嫣然百媚生何妨城國一齊傾老夫只有三  
間屋儘使拚時也負卿

筆花似共牡丹生六首新詩四座傾裁碎秀才  
家裏錦千堆交付與髯卿

淒涼紅豆不勝情一曲臨風酒乍醒無限江南流

落意夜深唱與好花聽

時珮蕊花  
下度曲

掠蜂衙初作隊徐蝶夢不曾醒庭中幾樹

閒花草供奉花王南面聽

殘梅十首和酉君

冷香影裏哭凍根剪碎難招已斷魂辜負三更好  
明月無情無緒挂空村

繇華不羨錦城坊自有疎籬與短墻說與桃花惟  
一笑因他從未解淒涼

膽瓶拚供一枝新背却東風秘好春每到黃昏愁

書言集 卷四  
獨自短檠疎影與分身

冒雪南枝放及晨盡携尊酒與相親如何斲粉零  
香後不見傷心一箇人

殘梅樹底掩紗窓已分春風遇別家何意多情還  
戀我就牀吹送兩三花

粉箋題字墨痕斜愁思漫未有涯自笑嘗騰過  
時客晚秋才詠早春花詩成于九月

冰雪柴門老樹邊緩拖藤杖與延緣蕭疎花系離  
奇幹一幅花光畫宛然

頭上霜痕撥不開與花相映白皚皚殘英故把哀  
翁攬才出中庭撲面來

對頭消息逐流波怨入江城玉笛歌正是夢魂鳴  
咽處啾啾翠羽奈他何

明憑花譜教交游此是花中第一流多謝東君好  
擡舉明年仍占百花頭

重陽九日菊花開即事命題意有託也  
重氣九日菊花開千古風流是此回黃葉聲中沾

酒去青山影裏策筇來蔽林錯訝黔驢大吠日應



青門詩集卷第四  
嗤蜀犬駭一任市兒齷拍手仙舟偏只載仙才  
重陽九日菊花開醉把深盃笑一回李寶已從元  
禮去阿平安識子尼來虬蟬撼樹何曾動蚯蚓翻  
江祇自駭不用申：苦謠詠地寒光逸本非才

青門詩集卷第四

青門詩集卷第五

不珠集己卯庚辰

燈下料揀舊詩

如草篇章手自鋤一燈茅屋費伊吾深藏幸喜無  
人愛密邇惟供我自娛擣盡桂楸嘗愈辣炒殘腸  
肚老應枯如何落得他家眼紙不黃金字不珠戴  
古云黃金作紙珠排  
未必時人不喜者

戊寅除夕



歷盡顛危，臘白頭，瞿塘灩澦亦安流。賤貧已負輪  
困膽，老大兼忘細碎，讎禍福不常休。信馬陰晴無  
定，莫憑鳩過，從幸有求羊在歲晚。空山作伴游。時

稼林黃曉山 已卯元日馬氏外甥來家拜節喜而有作用

樂天歲日家宴韻

戲彩堂前小外甥，新年兒女暮年情。最宜撲面風  
如扇，苦恨膠牙酒似餠。垂白杖鳩殊自得，著紅騎  
馬若為榮。瓦盆夫婦頻酌酢，老伴相依若弟兄。

贈叔度三十生辰

過從南陌與東阡，不命中車即棹船。白髮友朋時  
把臂，黑頭父子若隨肩。叔度與其尊人雪航先生  
長短相齊每借同人出游  
後先肩隨也，無邊風月開吟社。近局雞豚釀酒錢，  
之如雁行也。  
不分空山老樗散也，隨桃李競芳年。  
十丈驚翻筆底濤，軟紅柔翠任君描。人如楊柳剗  
三月生，比荷花先上朝。生辰在六庭際，春風看茁  
玉樓頭。明月學吹簫，馮誰斫却冰輪樹。為放文光  
燭斗杓。標

催粧詞為東山作

銀燭生花一室春  
 玉釵羅袖許相親  
 分明人在闌干影  
 非霧非烟看不真  
 碧玉堂前燕爾新  
 一杯魚髓乍沾唇  
 老夫自笑即當甚  
 承乏堪為相禮人  
 暗教春風豈寇期  
 莫愁年紀我偏知  
 為君指定蘭閨夢  
 十六生兒正及省  
 人說郎書似石軍  
 儂家生小便知聞  
 好將白雪幽蘭句  
 寫入瀟湘六幅裙

題南浦送行圖送東山入都

短棹夷猶落日孤  
 遠山橫抹水平鋪  
 綠波碧草傷心路  
 一幅江淹別賦圖  
 梁園賦客儘多才  
 只有相如獨後來  
 携得東郊詩一卷  
 月明吟上舊金臺  
 已看文彩振鸞重  
 向青霄刷羽翰  
 往哲緒言吾解說  
 狀元原是舊吳寬  
 春明門外寡交知  
 歲晚空山兩鬢絲  
 若見西君應念我  
 為言窮老尚能詩



舟子停橈語僕夫官何臨發又知躑誰知執手難  
為別幾箇踈狂舊酒徒

我住西郊子郭東過從促教笑言同柴門別後應  
長掩獨對青山憶謝公

初夏借雪航允恭東山以寧叔度泛舟拂水

山莊飲秋水閣

山莊入夏似涼秋恰稱同人午泛舟千日酒杯斯  
世外百年人物此樓頭尚堪作態還餘柳能不寒  
盟只有鷗窠寔東山舊絲竹繞階惟有水空流

子鶴對鏡自圖小像紅巾白衣以雀自況題

贈斐然直為胎仙寫照未免于賓主不公

此詩雖酌和不工而于諸作或有差別也

自手圖形自見憐鏡中晤對竝茫然三豪互認皆  
驚笑二老相看各問年瘦似孤懸印竹杖清如新  
汲惠山泉紅塵滿眼休輕展好待風清月白天

竹里生日和原韻

縞紵論交已十年相逢多在綠尊前老輕富貴何  
須祝小即聰明不用鞭未解拮据身外事惟知涵

養性中天春江願化為醇耐長奉露椿運酒船野  
樽人年逾九十日事杯杓日  
 君才落拓我癡頑同脫名韉與利關李于均無田  
 二項陸機坊有屋三間問昔伸紙催臨帖晴日釣  
 簾約看山心跡行踪盡相似獨驚老醜鬢先斑

題葉珮慈小照

四十年前爾容娟，四十年後爾容依然不見爾  
 燒尿而養鉛將何術以駐爾之顏我童其顛我雪  
 其鬢自慚老醜與爾周旋若置我于爾側又誰知

僅長尔手一年而今而後形骸互捐或山之畔或  
 水之邊或春花放或秋月圓拖條竹杖上箇酒船  
 胸中無物頭上有天醉騰地萬象渾全尔時將  
 不辨其誰為爾誰為我又安論夫妍媸色相之茂  
 茂

客玉峯忽爾思家

百里辭家才兩月不成作客也思鄉亞窓梅蕊能  
 多大統砌蘭芽幾許長女倚繡牀呵凍筆兒拋書  
 卷響饑腸緣知紙閣蘆簾畔愁殺梁家老孟光



已如除夕次庚午除夕韻

三間白屋一燈紅著箇閒人在此中綽有父風兒  
嗜飲儘無家計婦忘窮三冬擁被蒙頭雪半夜看  
山拍面風潦倒莫籌明日事如今真是信天翁

庚辰元日次除夕韻

瓦盆浮碧竹爐紅兩頰春生灑漱中百事易求難  
得老萬緣多撇只留窮山將吐翠先辭雪柳未縹  
絲不受風世上浮名吾謝絕被人無賴喚詩翁

玉峯道中見菜花

菜花天氣晝沈沈獨客孤舟觸景吟怪底江南甲  
財賦家田地種黃金

生辰自述

五十八年貧賤身歡娛未足抵悲辛家如滄海凡  
三變鬢似孤花又一新老近知非才抱子長方齋  
戶已無親停觴莫省前塵事龍漢成音記不真

得東山及第報作扎寄候系以小詩

天上傳來姓字香泥金帖子四邊黃城東父老爭  
傳說三日前頭增放光

孫家亭子俯山椒，滿泛離觴酒似潮。曾把無雙占

國士，骰盆連喝總成么。記客秋送

書札叮嚀禮教寬，山翁讀罷齒牙寒。平生敢學王

平子，不問人時但問官。未扎云勿以官體

御筆親書賜狀頭，金門傳誦到林丘。平泉卜築知

還早，第一先營寶翰樓。東山寄我營別業

有美堂偏丈室，宜居狀絳帳擁臯比都。平丈真

堪笑，報與蘭臺太師知。時余下榻

和百君詠繡谷竝頭秋蘭



春花恰與素秋期，九畹分來只一枝。珍重蔣家三

徑裏，護持幽艷待東籬。

花神省事會料量，並蒂同心出一房。無謂惹他仙

子，妬人間疑有兩蘭香。

和百君古艷詩

月鈎

粉牆西角畫樓南，一抹宮眉出鏡函。不捲湘簾才

幾日，那知庭院又初三。

虹梁



青門詩集卷五  
絳氛偶與練光交帶雨依雲却易消若是七襄偷  
度得不教靈鵲又填橋

梅堯

夢斷羅浮鎮安寥美人天遠又迢何當細剪雲  
藍紙月白風清為一招

蝶夢

小院春深日影遲州香花暖蝶竟癡滕王饒有閒  
脂粉多恐難描睡着昔

游絲

白日青天颺一絲似無如有惹人衣楊花燕子方  
多事切莫和他著處飛

花影

月幌風簾是處移來非有約去無期陳王解賦驚  
鴻影不見凌波立定時

榆錢

點、隨風溷粉墻為誰拋擲為誰忙等閒莫問青  
春價買不來時賺沈郎

柳絮

蘇小門前不用招  
窈娘堤畔亦周遭  
如何一到儂  
簾幙玉手高  
揎捉不牢

荷珠

雨過蓮涇綠萬重  
跳珠如活走盤中  
與儂十二釵  
梁上顆  
與圓訝許同

苻帶

水匝風微翠帶輕  
絲如向鏡中生  
中流要采雙  
蓮子綰住蘭橈  
不放行

燭淚

午夜房櫳睡鴨焦  
九枝倒影壘葡萄  
不知何與風  
姨事狼籍見家白鳳膏

冰花

刻玉雕瓊絕點瑕  
亞枝小朶冷  
艾加生來不識春  
風直也說人間一種花

水紋

百拚迴波激灩中  
柳塘吹動鯉魚風  
分明八幅羅  
裙樣剗款偷裁  
又不同

庚辰除夕



青門詩集卷第五  
閑從駒隙算窮塵又守今年一度貧世以紛華嘗  
傲叟天將寒餓煉詩人火香罏有殘師芋酒濁頭  
無靖節巾不遺西風弄衣結席門燈火暖如春

青門詩集卷第五

中武第百六十五名舉人歸寅江南蘇州府昭文縣附生  
中式第一名舉人 江南

青門詩集卷第六

消寒集 辛巳

辛巳元日

宴坐焚香山館幽勞生日暮更何求  
庚申昨歲曾三守甲子明年恰一周  
草色已牽吟客夢雪花偏帶老人頭  
筋骸猶喜差強健待把雲山爛熯酌  
棲霞過予山房適牡丹初開對臨一枝  
百君題詩于上次韻酬和

海

虞

邵

陵



青門詩集卷之二  
暈碧圖黃拂絳紗憑君一語判瑤華不然斗大驚  
人眼誰識貧家屋角花已而君詩有馬家顏

扶義為青門寫牡丹一枝因題其上

蔣廷錫

霏、白雪撲牕紗詩酒流年鬢已華粉膩脂香  
留得未馬家顏色印家花

送稼黃葵

死生膠漆意綢繆挂劍心期未一酌欲作驢鳴忽  
沉痛暗風吹淚落墳頭

看盡人間富貴青春衫未了一生身馮將片語聊  
相慰玉潤如今第一人謂東山

扶義五十生日

曾讀石田詩句好以彭視我尚嬰孩祝君自祝言  
非妄每十年看拜壽來

自題小像

幾場歡笑幾場愁同作兒童共白頭莫問陶家形  
與影眼中二老亦風流  
他年流落河誰遣認作穿雲沽酒仙定有人家買

來挂杏花村裡店門前

夜聽燕客彈琵琶

自從白五通州死江北江南無此教恰是今年頭  
白盡從君撥刺到天明

紀夢

謝家門巷枕溪灣繞石穿沙路百盤認得當牕數  
竿竹有儂詩刺第三竿

不寐

蠟炬燒殘一寸烟老人無寐擁青氈十分一盞勝

人暖此法傳來自樂天

樂天詩云莫道非人身不暖十分一盞暖于人

老鈍

老鈍如樵歎不才白頭猶伴蠹魚堆中間幾箇神  
仙字知是何年喫著來

九九曲

襟用吳諺

一丸才爰出手難逢人籠袖寡盤桓牀頭滿貯黃  
蠶瓮準擬闔門度歲寒

二丸寒威一九同漫：飛雪攪長空千峯萬壑無  
人跡愁殺空山拾橡翁



三九西風日怒號對頭吹得直苗條地壚要卷吹  
冰火仰看曾無一葉鱗  
四九如同宿路逢老頭風快割肌膚多年布被何  
須道茅屋三間只當無  
五九到逢九中還餘四十五春風街頭窮漢休  
輕毋且看晴暄屋角東  
六九青湯正打頭農家占驗看春牛若殺色應中  
央土菜麥今年大有秋  
七九輪來六十三都將布袖兩肩攤多冥勢力無

多子總借春風不甚寒  
八九湯和地軸旋墻根黃犬背陰眠笑他裙屐風  
流子柔脆身軀尚著綿  
九、扶犁盡出畊農歌牧笛滿郊垌儂家若唱消  
寒曲一樣無腔更好聽

蠟梅

冰花寒裏小黃英一點檀心竟體清却怪涪翁太  
平泊未應猶恨不晶明  
評  
螿口半含凝索笑膽瓶斜插伴寒燈莫言墻角家

家有大半看来是狗蝇

索代聾人書扇幾無虛日辭之不得書二十

八字粘之館壁

懸植十指懶揮毫况欲無端李代桃報道先生手  
無空重湯將近要持螯

雪夜與雪坡自遠竹里泥飲

老友相逢各放懷白頭跌宕似嬰孩雪邊詩句梅  
邊酒然把殘年作棗

病眼

病眼近來妨夜讀吹燈掩卷坐更闌殘書恰似閒  
茶飯一日如今少一餐

鷺翎眼藥出京華好友相貽遠拜嘉珍重封題教

認取正陽門外第三家

陳山寄鵝眼藥

山妻勸我應止酒比似諸般藥更靈一笑置之姑

不論斯言豈可恩劉伶

丁寧老眼須清朗無限風光說與知看了梅花又  
燈月何曾不要爾支持

畊菜席上看冠卿揚孫對弈口占



尊酒流連博局魚枯碁聲響出疎簾從旁一叟支  
頤坐冷眼看將熟却拈

有怪予失謁者口占以自賞

操芋抱瑟尋常事頭白其如學未工比似正平應  
更懶并無一刺在懷中

與竹里飲山齋

過後隨分具梓餐白屋三間共歲寒領略山家好  
滋味酒香詩辣瓮釐酸

有攜尊過予山齋賞雪者徵令各數珍寶戲

作以示座客

七尺珊瑚間木難翠琅玕更紫金環爭如野老苑  
檐外一座參天白玉山

偶讀白詩自朝

樂天自喜家緣少減食常餘算外資我比先生多

一口爭教妻子不恒饑白詩身兼妻  
子都三口

晚春爽鳩公招集東園即事

綠水春帆載酒游延緣一權葦間笛園扉兩版才  
開處拍面東風散繡毬

牡丹開後困春醪，排日飛觥未覺勞。不柰芳辰太  
攢簇，一番天氣又櫻桃。  
遠山橫列小樓西，雨後山光翠欲飛。最愛當窗閒  
坐看，盡開闌檻捲簾衣。  
水邊亭子漏歌聲，非竹非絲脆且清。一院綠氤氳  
萬對，不知何樹忽啼鶯。  
一餉歡娛入夢來，人間天上易成哀。伊州唱罷千  
行淚，愁殺曹家老善才。是日演  
林凌春  
平泉州木盡泥沙，塗粉飄香感物華。只有天風吹

不散紅羅綵，上數枝花。  
花前迴雪散輕裾，一部霓裳未拍初。解識玲瓏唱  
時意，多情惟有白尚書。  
唱月催花曲，宴開老顛闌入。莫疑猜可知，我有聽  
歌福，直向多生種得來。

城中苦熱

飛埃六合散漫漫，黃土從來笨伯搏歌枕。何來山  
四面，推窗那得竹千竿。著願每怪春苗盛，露頂因  
嫌白紵酸。安得涼飈起，頻末披襟獨立楚臺端。



尚湖泛舟即事次遵王韻

水天空濶一舟橫，小部霓裳漫引聲。  
才著翠裙芳艸妬，亂拋紅豆白鷗驚。  
山從孫壽粧時好，水自靈妃步處清。  
四幅花箋長在手，緣知白傅費心情。  
小紅花發綠窓中，不與尋常艷逸同。  
正傍晚風烟綽約，坐臨秋水玉玲瓏。  
不言肯使昭遙集，暫見還應憶謝公。  
珎重合歡團扇子，白蘋洲畔又西風。  
斜抱檀槽拜段師，旋宮三調少人知。  
憑將如玉重蓮手，殫出銷魂李煜詞。  
日暮綺羅臨水薄，風高絃

管入秋悲闌干拍徧，無人會獨立船窗。  
自詠詩望窮天宇思蒼茫，擊汰迴舟落日光。  
偶借歡娛供潦倒，潛憑惆悵壓顛狂。  
碧紗牕淨驚秋影，紅藕花多亂晚粧。  
口業些消未得歸來頻炷佛前香。

張吉友自京口寄飲酒詩十首索和依韻却寄

置驛爭傳愛客教，糟丘高築寄奴城。  
誰人夜奏花前鼓，幕府開筵放酒兵。  
往歲過從辱送迎，江干載酒一舟輕。  
殷勤笛別無

青門詩集卷六  
他語但說當頭月正明  
馬前名士競傳杯一握歡散動若雷驚倒護君渾  
不顧諸公原為孝孫來  
錢笕城邊問酒壚長江萬頃一壺盧饒君放取如  
鯨口吸不來時便是輸  
行處鴟夷挂後車歸來腰帶失金魚玉山既倒普  
騰甚還索陳暄嗜酒書  
周官五齊較量過誅膏如今政令何若使醫槽都  
不辨漿人酒正一齊科

老我甘為轅下駒林田不治久荒蕪醉鄉大戶凋  
零盡只合三升當一觚  
濁醪休笑日盈尊誰識其中妙理存僕射不如飲  
酒樂請君三復此名言

恬菴和尚自西泠來游吾廬携秋林画卷索  
題漫賦二絕

帛林龍井半荒蕪十載游蹤認画圖一箇辯才當  
面錯此生如未到西湖  
往過湖上不  
得一訪恬菴  
烏目峯頭紫翠環谷林西去盡烟鬢與師但坐湖



橋看似否南屏一帶山

門外

槿籬門外三义路多少游人走便差走到前頭更  
無路轉來重問老夫家

書叔度南雲集

秋影才名動一昔西山爽氣竝爭奇如今又請南  
雲過老眼如何更著詩

秋影東山集名西  
爽氣西君集名

和雪航移居

棲飛不定類樞鳥此日安居一事無老圃野芳榮

晚菊小庭秋影轉高梧尊前不少吟風客門外偏  
多立雪徒幸辱紀羣文誼好招携時復及狂夫  
一庭松菊雜蒿蓬寄傲堪追栗里風身世請看營  
壘燕浮生應悟印泥鴻人因詩酒憎吾黨天為湖  
山念此翁為語君家千里駿槿籬門外九衢通  
壁間長挂杖頭鳩閒即登臨懶即休但覺有心俱  
是妄不知何物號為愁鳥銜殘雨舞高樹山送新  
詩入小樓何日卜居南北巷白頭二老共嬉游  
靜裡幽居玩物華曉窗日影易西斜緣知世路恒

多故始信吾生自有涯城北草堂才斷手嶺南游  
子恰還家移居之日度筆牀茶臼黃齏瓮拉雜  
伶俜滿一車

孟冬朔日上先人塚

孟冬一日天氣好山色湖光映晴昊先人墓在錦  
峰西此日年來拜掃山妻入厨烹伏雌兒子借  
白春杭稻小女朝來剪紙錢勻圓自訝指端巧老  
夫前村去沽酒手提甕盆前引道一家老幼婦與  
男負戴相將互携挽松楸在望不二里鞵鞵輕便

行且到紛落葉打墳頭瑟寒風動肝腦吾親  
在日失所事莫又無禮祭草有何顏面對吾親  
白髮兒凌誠不孝拜罷歸來淚滿頤敢和兒女燈  
前笑


五如屬紫却作長歌招飲申明後至之罰甚

嚴時余為省當所羈未能赴約和韻酬之  
我生忽焉過六十西兎東烏走何疾假使能活一  
百年来日安能抵去日萬期由來只須臾行無轍  
跡居無室生前所貴一盃耳不爾便為螻蟻食慚



青門詩集卷第六  
予落拓老無狀，過飲必醉，必極枯髯，戟張如渴。  
羸飲則飲耳，何待逼近來稍，受羈紲，天寒日白，  
直無色，閉置車中，似新婦兀坐，不動身，似漆高陽，  
酒徒各星散，脫復一聚，別頃刻，一日張郎呼我飲，  
斫簡却倩生花筆，開絨凜，捧載書後至之，罰儼  
如救已隸，醉鄉作酒民，大戶安能漏板籍，枕嬰承  
槽，我能事不頌，則已肯遭劾，青天明，在頭上，吾  
曹豈竟無胸臆，不信請看脫臂鷹，盡翅飛時，籠不  
得。

青門詩集卷第六



國家圖書館, NATIONAL CENTRAL LIBRARY, TAIWAN, R.O.C.





青門詩集卷第七

浮嵐集 壬午

辛巳除夕

雨：風：逼歲除一杯聊以慰蕭疎中宵檢點窮  
家計幾束葢殘典膳書

壬午元旦

一月陰霾慘不明屋頭啼斷鶉鳩散玄冥攢簇非  
無意留與新年并放情

小庭牡丹將謝作詩奉餞兼訂後期  
空眠行立不曾離開處如狂落似癡半月小庭窮  
富貴十年夜雨哭相思暈裁國色非閑酒結託多  
情只有詩囑春工莫相負明年穀雨是前期

藏山和尚靜室

仲雍山畔好山光十五松陰接地長怪底俗人看  
不見那知藏在此僧房

南樓借伊日師過訪山房納涼荷池同限荷  
香為韻

蛩然空谷足音過小坐清談對芰荷似此素心真  
覺少于今名士一何多門無與客傳書鶴池有頤  
師聽法鵝落日微風起蘋末吹來何處采菱歌  
溪亭深處午風涼靜覺如年白晝長四面對高  
日影一方池小聚荷香拈將朱子詩銘座東山為  
陽夫子詩借得黃癡畫署房山房顏曰浮嵐暖翠  
粘于座石萬斛松濤千尺雪瀑谷懸崖土人名為千尺雪  
間茆屋獨承當

題夢愁草



一卷新詩密，封開絨蘭澤散當風烏絲闌紙斜  
行字小樣簪花筆格同  
小窗風雨落梅天誰誦金荃蘭畹篇一片暗香飄  
瞥處和愁飛上薛濤箋  
一夢平添萬種愁，偏戀我夢難留幾回喚夢將  
愁去已過巫峯不轉頭  
細膩風光忍暗埋馮將紅碧暈還栽桃花得氣玲  
瓏句誰似深閨詠絮才  
和紫鄰五十自壽

我生甲子一週迷君甫行年五十春騎馬著紅休  
恨晚白身猶有老丘民  
男安畊鑿女鳴梭海宇如今久息戈詩酒流年閒  
打筭亂離時少太平多  
吾邑人文方鵲起鄙枚連袂入梁園微垣奎壁中  
宵現偏映君家立雪門  
酒侶吟朋續，未纔拋詩筆便拈杯年，此會憑  
誰約記取紅榴一封開  
東山郵寄出都詩六首和韻

朝來抖擻化衣塵短檝輕帆泛綠蘋射策儘饒黃  
榜客挂冠誰見黑頭人堦前芍藥三回謝觀裡桃  
花一度新若問西施渡頭水繞堤依舊碧鄰山

向歆卜居西施渡口

三千客路莫躊躇歸及黃花九月初豈謂畏人成

小築不緣奉母敢閒居袖餘紅署公殘草筐有青

藜照膽書為謝梁園舊賓友莫將詞賦託相如

十年官滿尚嫌遲東山初及第寄子詩有便向滄

江理釣絲帶緩金魚初解後手輕牙笏乍拋時天

邊落，冥鴻影林下翻。海雀姿寄謝道旁懷刺

客蕭閒門館本無私

六篇詩律八行書雖誦迴環味有餘葵向日時安

用智竹凌雲處亦含虛仲宣作賦悲無取疏廣辭

官老不如回首春明門外路幾人風雪夜乘驢

衰輕不用戒胥徒只有圖書教卷俱玉笋班行虛

侍從版輿汗酒禁傳呼還御夢逐秋衾遠戀闕心

隨曉漏趨蝦菜東吳無限好如何人只問葫蘆

我老新營一畝宮求羊不至草成叢時邀明月來




青門詩集卷第七  
杯底長供青山在屋中歎逝流年催落葉懷人秋  
雨咽寒蟲歸來若理閒生活來共松牕嚼雪風  
東山過訪浮嵐暖翠山房不值留題一絕次

韻奉酌

浮嵐晴色翠如髮門掩寒潭十四灣不道君來吾  
出飲送迎勞動夕陽山  
謝公游轍擁雲鬢誰似先生念釣灣獨立小庭梅  
樹下背叉雙手自看山  
訪青門不值留題一絕

四年不見舊烟鬟新築依然綠水灣獨對疎林  
意惆悵一房紅日冷街山

青門詩集卷第七



國家圖書館, NATIONAL CENTRAL LIBRARY, TAIWAN, R.O.C.



青島集  
卷一  
五



青門詩集卷第八

餘辛集 癸未至丙戌

癸未除夕

算老又逢新癸未年華如矢去難留天行自古常  
流轉本命從今又起頭窮去不勞與糗送富未何  
用執鞭求如瓢一室堪容膝穩是蒙莊夜壑舟

甲申元旦

西郊淑气動芳妍排日歡娛第一天殘雪未經辭

舊臘蚤梅先已報新年吾生諒乏書中屋此地權  
牽岍上船小齊新署明日登山如踐約青鞵布襪  
儘輕便東山約明

新正二日同畊菜東山大木登劔門絕頂東

山題詩酒家壁上因次其韻

老愛登臨杖履輕危巖竒處賞新晴興非十倍來  
何早游總千回見必驚一壑斷烟吾谷暝半天殘  
日尚湖明何肯重向山家醉看取紗籠壁上名  
百藥居士將卜築西郊詩以招之

遜勝搜竒一月忙平泉卜築此相當冷白石如  
君瘦落蒼松似我長玉淑正宜山對面菱舟恰  
稱水中央短塢西角踈梅外更著款斜一帶廊菱舟皆居士取以署其室者

和谷

汪繹

北麓西郊日忙幽尋此地恰相當聽風聽雨  
情懷別看水看山意味長簾幙僅容未燕子釣  
磯只許立鴛鴦徐鼎詩如懸知此後行吟處  
粉牆頭繞綠廊央去鈞



東山偕往湖南拜翁尚書墓次韻三首

綠水春帆放櫂遲，卞家墳上夕陽時。  
白頭何點澆花了，清淚無端落酒卮。  
花箋四幅教玲瓏，一曲霓裳拍未終。  
誰把梨雲吹易散，墓門西畔白楊風。  
寒食春風好，歲年柳花片，怕菜花田田平生卮酒誰相對，獨有彭宣拜墓前。

春盡日過沈氏園亭牡丹百餘本零落殆盡獨有火輪三朵初放予怪其名不雅改曰

赤城霞酌之酒而贈以詩

沈園千朵牡丹花，賸有三花殿歲華。  
為語看花人著眼，火輪何似赤城霞。  
嘉名肇錫非無意，孫綽天台賦裡未。  
今歲開遲應待我，明年我至爾先開。

山房坐兩次東山韻

三間老屋傍城西，烟靄漫。四望迷池漲，直通漢  
籬水檐低，全濕燕巢泥。艸荒塘角，登山路，萍占籬  
根。種菜畦，誰似兩人閒得徹，破牕風雨坐公題。

割肉詩壽汪孝婦

往歲客海陵得交西軒叟貽我西軒集吟咀不去  
口中有割肉詩詰屈句難讀行間血模糊宛似刀  
在手謂必奇男子乃是汪家婦叟化詩尚存每誦  
意難剖不知此孝婦猶在人間否端居閉柴門有  
客忽來叩手持一篇文名字列某欲徵鄙人詩  
以祝孝婦壽緣知婦未死皇天固默祐回想割肉  
皆毛髮何抖擻一割療翁病二豎忽驚走再割薦  
夫靈一齋充俎豆藥汁與羹湯取諸臂左右至今

松明人千載歎稀覯豈無妖冶質皓腕白於藕黃  
金雙劍穿肥膩肌膚厚一朝委黃土殘膏有遺臭  
請看孝婦臂斑駁刀痕繡一握瘦如柴可以撐宇  
宙婦壽自無量何用頌山阜蕪詞殊不文敢繼陋  
軒後

棲霞移居初平小築賦詩索和次韻為贈

長著幼輿丘壑裡青山依舊笑相迎從今重理幽  
棲約白石清泉也泚盟

山英不用苦譏嘲秋桂春蘿未忍拋為語啁啾銜



艾雀海山敢與鶴爭巢時有梳之者

坐棲霞小樓

問字山翁乞畫僧柴門欲閉竟何曾小樓直倚檐  
應礙我但來時脫帽登

東山新宅落成用東坡遷居韻奉贈

高賢卜幽居曾不事佳麗磊落見大意濶略遺瑣  
細心跡如雲閒紛華等川逝一朝脫朝衫散髮此  
流憇比之玉局翁母乃太早計雙松忽飛濤雜花  
亂堆砌秋影敞新晴樓名影群峯獻螺髻馮闌一俯

仰可以悟委蛇我來娛晨夕談讌席薜荔虛室忽  
生白似讀人間世快風從空來活水碧無滌軒名快風  
水活置身冰壺中何處著脊內

甲申除夕和東山韻

潦倒多君獨見憐商量飯甑過殘年逼除斷炊修  
齡饑合思仁祖王修齡云修齡若饑薛老狂能和  
樂天香山寄薛景文詩耽飲婦愁松醞竭占年兒  
喜燭花圓緣知識字多憂患贏得憎騰對簡編

乙酉元旦和東山韻

十四潭光浮暖翠，瞳眈晴旭隔簾烘。飽霜墻角梅  
英白，破雪籬根菜甲紅。亂掃彩箋才不逮，緩拖藤  
杖興還同。明朝又理登山約，何處林泉著此翁。  
有日登山約

題東山種芋圖

海鶴丰姿稱白描，稜稜壁立玉山高。區工不少燕  
支在，苗與先生畫紫袍。騎省家園百果宜，三桃  
二柰竝離離。版輿周覽慈顏喜，切莫重題種芋時。

兩牕岑寂偶理殘書，家人以絕糧告戲作示  
之

何翁自有閒茶飯，一字如瓜足療饑。不似他家三  
萬軸，年空養蠹魚肥。

乙酉除夕

晚鴉歸後寂無譁，風雪柴門獨樹家。布衲暖支窮  
傲骨，瓮齏酸礪老饒牙。移登課婦篋，松醞冒雨教  
兒縛竹笆。此外殘年更無事，一尊商略候梅花。  
丙戌元旦



軒新歲月舊茅齋  
懶惰無心闢草萊  
野老擁寒聽雨坐  
冷官無事扣門來  
東山冒雨而至  
兩峰冷翠當牕入  
一瓮春醅對雪開  
君既吟成吾亦和  
但論清興不論才

東山索題五冊


籬豆莢

一枝初綻已流涎  
冷雨淒風白露天  
記得山家曾種慣  
破籬笆外敗墻邊


荔子

往年曾作三山客  
立馬楓亭揀對嘗  
凍紫方紅都喫過  
絕然不及狀元香

青門詩集卷第八



國家圖書館, NATIONAL CENTRAL LIBRARY, TAIWAN, R.O.C.





青門詩集卷第九

瓶山集 丁亥戊子

丙戌除夕

疎林落木逕荒寒此地真堪著老頑  
祭竈預支迎社酒辭年先謁對門山  
避人富貴迎偏却戀主癡歎賣又還  
容易人生消受得一龕佛火屋三間

丁亥元日

新年偏與睡相宜起值鄰雞報午時  
把盞女矜梳

鬢早炷香妻怪過經遲尚無消息傳花信已有心  
情認酒旂為語東風莫駘蕩護持溪柳待綠絲  
正月二十四日復作浙西之行薄暮放舟明  
晨抵齊女門為糧艘所阻口占  
舳艫銜尾蔽長川沮我輕帆未得前獨坐篷牕閒  
拚算譬如昨夜不開船

自汲

自汲清泉自洗瓢三通粥豉聽迢迢世間那有蓮  
花膜只算叢林記室寮

養花

養花如女誠園丁纔結春幡又繫鈴浪拚一枝休  
痛惜主人新買古銅瓶

秋日西湖獨游雜題十首

老客無聊獨自游清波門外上扁舟晴湖拭鏡山  
勻黛儘放秋容媚白頭  
十里荷香撲酒尊三秋桂子月如銀生憎柳七多  
才思一首新詞贈與人  
印月禪扉兩版開一僧黃面老聲駁問渠曾否知



魚樂笑說湖南喫飯來

與魚樂國  
僧問谷語

一蓑凌秋破綠波雷峯西去盡平蕪六橋十景人

爭畫能寫三潭印月無

三百青錢拄杖頭每過酒肆一淹留翁方抖擻奴

潦倒贏得當壚笑不休野一奴相隨同醉

游踪鴻爪雪泥如十五年來一夢餘曾記湖亭唱

詞夜多情愁煞老尚書往歲鐵菴先生開燕湖亭

矣可勝死生  
今昔之感

冷泉亭畔冷泉散泉冷人閒聽得清負却世間無

限耳笙歌叢裏過今生

蘋村詩老寄書來為說怙菴每見懷今日尋師了

公案門前正挂放參牌烏石山訪  
怙菴長老

不上歌樓即酒樓暖風薰白幾人頭敗荷衰柳無

情緒也管西湖十里秋

自喜茲游得未曾快哉真足冠平生眼前有景皆

奇絕喚起坡仙也合驚

駕湖沮冰

凌寒放棹沮冰灘潏舫人愁我獨歡難得死央湖

上月蓬窗三夜把杯看  
凡事輸人謝不能乘風破浪亦何憑  
昨朝打鼓衝關客  
同立船頭看打冰  
三日行無一日程  
長年束手乏經營  
老夫自唱南風曲  
聊助前頭和許聲  
三吳兩浙八閩連  
航海梯山百物全  
若問儂家敗何貨  
青駃歸去一空船

中秋對月獨酌

老逢良夜應堪惜  
一刻千金豈獨春  
莫笑客中無

伴侶酒和明月我三人

青門詩集卷第九



青門詩集卷第十

撫遺

壬戌元日

舊符欲把新符換門巷荒，沒草蘇投刺客皆騎  
馬過討詩人獨策筇。綠銷春水波紋薄，紅折東  
風菜甲開。四十無聞莫相笑年，添得是癡駭。  
燈禍篇

康熙十一年太歲在壬戌王正月方半三五上元



夕嗟我此地民連歲困征役杼柚久已空脂膏亦  
云竭近日九重頒詔書官糧免去十之七閭閻憶  
著昇平事共道良宵莫相失自昔餘華數縣東築  
室百堵烟雲密迎息橋接動和坊齊搭燈棚竹枝  
碧連盤同樹發焰光燃蠟燒蘭虻膏溢夜如何其  
夜未央正是千金此一刻笑語喧、舉國狂十萬  
戶人此填塞豈無稗販夫亦有鐘鼎食兒童竹馬  
鬧父老携杖出東鄰走却嫗西家簇艷質艾耆雜  
良賤衣冠混巾幗回頭失街衢舉趾交履舄闊步

尚超超况彼弓鞵窄釵燕顛頭飛雲鬢墮一尺蘭  
氣結成團馥、魚人鼻鄉曲多連交馳驚矜有力  
見此滿路花誰不願採摘玉山一昔顏橫陳相枕  
藉不見馬銜枚宛似兵赴敵心火燒未灰性命忽  
已擲爾時官長困簿書晚衙才退公事畢忽聞人  
語似雷轟疑是圍圍走盜賊傳梆打鼓復坐堂急  
喚典籤差五百可憐不是石濂城夜裏控人何太  
急須臾人散月不明羽帳流蘇隨手拚九枝四照  
冷銀缸萬戶千門一齊黑朝來依舊塵滿城道路



青門言集 卷十一  
爭看死屍積爹呼兒子弟哭兄各自分頭召魂魄  
一條藤束木皮棺西山之西北山北老夫杜門裏  
雙足褊性幽棲市朝漏青鞵布襪偶乘興度越不  
過汗與酒况是連朝只晏眠紅日三竿未梳櫛打  
門親朋報奇事披衣起聽長太息援筆為賦燈禍  
篇詞雖不文事詳校吟成擲筆復舉杯騰：又入  
華胥國

題西園畫扇

柳枝嬌嬈小桃酣管領春風雨不堪燕子歸來寒

食近冷烟疎爾兩江南

秋日同在茲山家小飲

天氣晴偏好深秋似早春步緣閒最適交久淡彌  
真落葉催吟鬢斜陽戀酒人山花與山鳥隨處得  
逡巡

醉

不遣酒杯空便好濁賢清聖辨難真此公漫說狂  
非醉醒眼如何看得人

破屋

多年破屋依荒村四壁看無一壁存計得石田詩  
句好不妨明月夜開門

柴扉兩版為偷兒竊去戲作

薜垣落索槿籬穿獨有衡門兩版全昨夜并勞君  
取去直教明月到牀前

卜築不離人境裡泥扉時怪有逢迎一壺莫更愁  
驚散從此應無剝啄聲

感過

十載多家難三年滯水鄉清宵幽助歎白日鼠爭

強袂馬橫書席蒲簾隔講堂長卿家壁立回首便  
心傷

枳棘非佳木無枝此暫棲紙牕風入亂茅屋雨餘  
低身賤傷慈母兒媯累病妻清宵不成寐愁聽隔  
鄰雞

四十生誕自述

同與田文生此日官躔磨蝎命偏低從今逆數家  
亡日正是身長与户齊

生年恰值亂離時襁褓年間命一絲今日莫教悲



老大雪霜容易上吟髭  
室毀巢傾印不全顛危憶著便潛狀晨朝已是難  
謀夕不信經過四十年

采桑女

女伴相邀共踏春紛  
羅綺簇紅塵儂家裙布無  
衰束辛苦年為別人

園林到處露瀼  
采偏柔柔不滿筐十斛官租償  
未了小姑又索嫁衣裳

小黑行

西鄰有犬名小黑如漆通身四蹄赤生來似與凡  
犬異自小如人有知識主人畜養殊不同呼叱馴  
擾如兒童有時昂首立市上市上狗黨為之空碧  
艸為茵晝長卧夜則耽如虎坐主人一枕夢黃  
梁小黑辛勤計門戶郊原秋高狐兔肥骨能騰擲  
肉解飛更能追風逐鳥鵲擊攫一似蒼鷹饑主家  
園荒灌莽中有巨蛇長越丈深藏窟穴不見人  
見則令人魂膽喪今年中秋月色收巨蛇衝黑夜  
出游腥風毒霧塞道路小黑遇之如遇仇伸張牙

青門詩集卷十  
五  
爪前與角口嗥，兮尾蠹，一時向蛇欲甘心蛇  
亦奮身不弱狗，小黑猙獰怒發狂，畢竟蛇力難抵  
當朝來巨蛇乃敗死，蛇雖敗死狗亦傷，主人披衣  
呼小黑，小黑奄奄無氣力，頭腫尾充兩眼瞎，冷汁  
殘羹不能食，主人不念實可憐，但言犬禍當棄捐  
牽向東門覓屠肆，賣以三百充青錢，豈知主人重  
口腹一杯還欲分，餘瀝放却饒牙大嚼，來蛇怨公  
明主人雪小黑，小黑何足論，世間萬物人為尊，英  
雄有時亦如此，韓彭蘧蒨徹烹吁嗟乎不見韓

彭蘧蒨徹烹

二月二日皖江客店聽雨

如酥小雨潤中庭，旋覺涼，响瓦檣又是判花起  
頭夜薄寒殘，醉客窻聽

破山小三間茶話用清暉能娛人為韻

竹露松風一徑清，林間小築屋三楹，閒中料理茶  
公案借得山僧拚脚鐺  
山光潭影冷清暉，坐久新涼欲襲衣，忽漫推牕滿  
庭月六朝松老對陰稀



一納西齋夜誦經圓音落：禮南能頻挑煨芋爐  
頭火為問殘師熟未曾  
筆格書囊共鉢盂白蓮花社足清娛閑行莫過溪  
橋路三笑當年已有圖  
花木禪房一害塵木魚敲闍久沈淪何當拾取三  
條筏贈與拈椎執拂人

早春過可棲笛酌次韻

訪隱新年特破閒鏗然拄杖叩柴闥門臨巷北村  
南路人似霜前雪後山七字發君高意興三杯沃

我老容顏何時料理閒蓑笠同坐漁舟一葉間東

顏其室曰  
漁舟一葉

道人小照失去三年藥山師于梅林買歸懸

之萬松菴書以志喜

無端流落忽三年形影相離各一天許大乾坤無  
著處歸來仍結佛燈緣

題石谷畫

憶乙未秋與石谷下榻破山寺飯餘閒步  
由龍澗登三峯拊而至藤溪下烏日舍危

登循平疇至惟實居而止宿去今四十餘  
年時往來膏臆此圖平林灌木山光寺  
影以及溪橋塾店溝塍阡陌宛似昔游光  
景但少我兩人磅礴其中耳前塵影響披  
圖若夢俯仰之下有餘慨焉已卯秋日  
古寺尋幽杖履同與君曾入畫圖中如今面裡重  
看畫一片青二老翁

題畊雲小照

平生心力萃斯文點筆丹鉛朝復曛荷笠有昔乘

醉去一鋤耕破嶺頭雲

伊日師索題子鶴画

訪隱東林乍霽天敲門拄杖覺鏗然枯腸不用搜  
茶椀杯渡何妨棹酒船殘雪冷埋松竈火小梅香  
避佛燈烟何昔拂拭塵埃面來結幽牕小坐緣  
鷺泳深淵鶴立松相看意象有無中間人莫謾誇  
題詠白侍郎曾說向儂

題汪友行樂圖

東華十丈軟紅塵玉勒金羈擢日新爭似一犁春



兩後綠楊樹底看畊人  
溪頭閒坐課農工一片平疇落日中  
灑上輟耕牛  
放草山童來報主人翁

題扶義牡丹

暈碧圖黃復染霞  
馬癡筆底自繇華  
吟成應被旁人笑  
貧賤人題富貴花

題竹

新種數竿竹臨軒綠一  
鼓小牕閒坐聽  
宜雨又宜風

哭劍村

多君愛我新詩好  
脫手先教口不停  
今日詩成君不見  
自家吟咏自家聽  
尋花問月游山水  
何處風光不兩人  
今日獨行無味甚  
為君冷醉過三春

張黃美索題椿萱圖慨然有作

我抱終天甫十齡  
只今老大尚伶仃  
羨君長傍椿萱側  
白髮蒙頭讀孝經  
長干踏燈口占

剔墨紗燈最入時  
冰綃染就黑琉璃  
中間露出團團月  
更譜徐熙大折枝  
壁月瓊枝照六街  
十三門鎖徹明開  
高樓玉笛聲初起  
何處麤官喝道來  
曉箭初傳夜漏殘  
九枝蠟度冷銅盤  
金元院本無人作  
去盡向燈屏上面看

顧梁汾舍人同客廬陽值其六十初度之辰  
太守為開長筵與客舉觴上壽屬予賦詩  
以侑觴并邀諸君子屬和時乙亥七月廿

五日

蓮幕開筵皇覽初  
綠尊紅燭晚涼餘  
詞臣才藻能雕鳳  
上舍賓朋不賦魚  
適館幸逢賢太守  
到家應弄小尚書  
梁汾曰吾家有甚聰慧每謂小尚書也  
紫薇閣裏風流樣  
六十看來十六如

別紫隣五年矣  
淮西歸屢辱過訪  
不值以詩見貽  
次韻奉酬

聚散人生洵有緣  
從今逆數五年前  
不因見面難如此  
何事臨歧各泫然



感荷先生獎後生無文編剗紹難成但逢客至頻  
呼出越限踉蹌解送迎來詩譽及豚  
兒故有是答

歌魚賓館寄閒身歷歷曾經數過人若是把君除  
却算不嫌衰賤便憎貧

肉案紛紛盡論文交情半屬雨和雲無窮冷醉殘  
吟意一笑歸來說與君

和酉君秋柳

綺筵人散一天霜那有心情對野塘牆角不又沾  
酒旆樓頭空疊舞衣箱曉風殘月應悲柳朝雨輕

塵尚憶王不見蘇家舊門巷寂寥騎馬度閒坊

長條曾為拂征衣帽上旗亭管是非漾盡麴塵和

夢遠攪殘兩點到秋稀那枝黃鳥愁時坐何樹昏

鴉棟處飛惆悵倚樓人獨自陌頭消息又相違

題扶義西紅梅和酉君

瑤姬生小顏如玉任是施朱亦澹粧新著絳羅衫

子薄月明林下怕風涼

贈叔度三十生辰

黃雞白日感玲瓏隙影寧虛誦讀切衫袖濕宜沾

柳綠冒檐歌稱豷花紅縱橫筆充三千字寥廓天  
 高九萬風若比武侯應不早六年前已出洛中  
 縞紵論文十載遲兩心相許兩相知達人即事恒  
 多解名士風流本不羈文陣雄時推渠帥酒兵奇  
 處失偏裨叔度量遠興高每逢散元張丈從呼取  
 潦倒尊前某在斯

和山水中桃花

十五燕姬對鏡愁菱花不動小紅浮粧臺前畔  
 琉璃漏著屏風看上頭

不分無雙忽兩身對頭波面競鮮新水精宮裏無  
 顏色莫把燕支亂洒人

和東山韻贈度

白首無成愧老顛生涯落薄負寒飈憑君莫倚堂  
 堂日喚不回頭是少年

高髻長眉逐世風莫將時樣與爭工蠹魚喫盡書  
 堆字畢竟神仙在此中

春日舟行即事

柳陰深處蕩舟輕如畫江村景物新隔浦鮓舁牛



書院集卷十  
作穢繞田驅雀艸為人牽羊東舍繞迎婦打鼓南  
却又賽神莫訝田家饒樂事一年辛苦換三春

玉峯道中

閒把殘編盡日看  
朗吟聲徹水雲端  
船娘乍聽鷺  
相語即唱山歌又一般

得東山及弟報作札寄候系以小詩

狀元宰相吾吳有文肅風流最可攀  
自昔槐廳傳故事到時應占第三間

和百君詠繡谷竝頭秋蘭

美人心軟怯惺忪  
小立當風竟體慵  
俗殺兒家歌舞地  
一雙紅玉裹芙蓉

南唐墨紗落君家  
小樣鈎臨沒骨花  
兩朶何須苦

分別瑤姬顏色似霧花

西君臨寫一枝

和百君古艷詩

鶯梭

初著金衣刷羽翰  
穿花入柳太無端  
迴文織錦難成字  
莫羨機梭惱若蘭

石筍

湖山石畔瘦凌兢碧蘚蒼苔絡幾層  
礧著綠楊紅架子秋千只露一邊繩

竹粉

解籜風清一徑斜離香粉撲總紗小鬟解事應  
收取畝貯金罌養木瓜

雨中過青桐軒

幾株哀柳帶寒塘淺絳樓臺淡粉墻一幅六朝金  
碧畫著些白雨煞荒涼

劉方伯白英虞山輓歌八章兼慰公子覲父

歲辛巳之二月十三日虞民卜墓前大方  
伯燮齋劉公子清風書院之北於是東南  
數十州之人咸來會葬一皆學士大夫俊  
民秀彥以及兒童父老村澳閨婦之儔莫  
不炷香洒泣環遶墓門甚盛事也州野不  
父固能紀述漫賦輓詩八章聊與執紼攀  
輻之徒一助耶許而已不揣乘常敢云引  
玉

南國棠陰覆萬家江城先發向湯丘墓門捧土爭



趨事正及春晴好歲華

死生知己與誰論賢者猶能說報恩夏日得休秋

得實至今桃李滿公門吾邑二三君子屬公

文學吳公為寓客清權虞仲是州民兩家永宅遙

相望一嶺平分許卜鄰公墓與言子仲雍

樓閣參差洞壑幽由來烏日是丹丘招真治近饒

仙侶月白風清好共游

兩湖明鏡夾平疇五雀聯翩集壠頭當日若教張

祐見墓田應不羨揚州兩湖夾鏡五雀朝天為吾

寒食人家上冢回晚風吹動紙錢灰白頭何點東

籬近但遇花時醉一杯子家老屋三間與墓門相

設墓文章世競工山頭片石好磨礱即今誰秉中

郎筆有道碑裁第二通邑中人士方為

招魂何必筮巫陽像設安閒儼在堂夢裏莫愁歸

路遠如今溫序不思鄉

子鶴為西園寫照索題

杵臼論文三十年黑頭兄弟兩瞠然馮君莫話前

期事似夢如塵記不全



青門詩集 卷十  
榮子風標廻出塵楊郎墨妙洵通神敢將詩句問  
題品自愧冉還未絕倫

錢吉士治太監飯相招未赴戲作

燒尾筵開按食單鷺肪鷄蹠雜熊蹯饒牙恐被枯  
腸怨不放羊棗踏菜園

放著如聞散啜散彫觴滌口進蘭英因君轉笑君  
家祖饗帝惟斟一雉羹

和雪航移居

吾曹曾不問田廬偶學誅茅自荷鋤開徑且刪富

路竹編籬先護飽霜蔬對人只有秋山好於我何  
須夏屋渠除却青檀無長物短墻儘可當儲胥

酒君邀作除夕元旦十首用東坡詩除夜雪

相留元日晴相送為韻

如拳雪片驚檐瓦看山猶把軒牕挂五更燈火耐  
寒人百年風雨題詩夜

足音空谷經年絕三間白屋埋深雪酒香詩辣瓮  
酸自喜山家風味別

吳儂逐鬼鬧江鄉背索依童一月忙總把黃金糊



四目有人認得是方相  
藏壑頻驚夜半舟  
都将身世付沈浮  
從他景急觴  
偏緩且把殘年一逗留  
檢曆欣逢好歲元  
動頭歡賞薦盟餐  
丁寧白髮支  
持老領受春風又一番  
元下壬  
連日春寒門未出  
酒伴相招走相覓  
得句先應寄  
艸堂明日須知是人日  
短塙角逗春光一  
對寒梅已放香  
拚供膽瓶愁  
獨自山窗疎影與  
端相

春回十日微陽動  
樹底初聞鳥散  
嘆老翁睡起忽  
開牕四面山將  
晴色送

藏山和尚靜室

雪北香南是處山  
石頭路滑步行艱  
問師著屨芒  
屨去爭是拖條竹杖還

西村老人歌

西邨老人年七十  
頭白方知辨稼穡  
麵釀秋露旨  
且多精飯青葛肥  
且澤勞精車載酒行  
一歲之內一入城  
入城三月或兩月  
與飲者誰唯髯生君

言結客滿天下與飲必如髯也者去年我作西村  
老人歌如拳大字二百多醉中出示何何黑雙手  
拍斲青藤蘿歸去不携兩遺失醒素記憶空吟哦  
今年老人索詞急一字不記歌柰何長鬚去脚今  
幾口一人種秫能幾畝却中來往有幾人幾人盡  
醉銜杯否楚田村中費燕峯西村相隔樹几重呼  
與對飲良不惡望公恰似兩蒼松以此作歌老人  
喜曳杖松間擊松子

和馬棲霞編籬種菜

小築栽蔬圃新編矮竹籬休教羊踏破正是午齋  
時  
傍舍饒餘地分畦自插籬喜看紅甲菜雪圃乍開  
時

題夢愁州

絳雲紅豆久塵埋風雅千秋失主裁賴有香閨能  
下士不然巖壑竟無才  
未展芭蕉蜜意封裏愁絨恨付東風桃花紙上汪  
汪淚恰與青衫點滴同



嫩寒山館寂寥天日把香詞讀一篇寄語可知珍  
重意不焚香後不開箋  
一夢平添萬種愁新愁舊夢竝悠悠纏綿恰似迴  
文錦才念完時又起頭  
和紫鄰五十自壽  
飲與今晨未有涯白波倒捲酒如茶但逢生日交  
相勸不醉胡家即邵家  
名場趨走日遑頭惱冬烘乏主張莫嘆有才無  
售處要時須用斗來量

連鑣結駟未為通陋巷簞瓢豈是窮請看聖門諸  
弟子也應各自一家風  
路岐莫漫問西東且付騰兀中不見乖龍初  
割耳嗑雲感電亦癡聾  
曾憑車笠訂深盟白髮飄零老弟兄主竟生涯判  
霄壤學鳩何敢笑鵬程  
尋花問月游山水是處應須笑口開誦得石田詩  
句好以彭視我尚嬰狹  
雲松構房櫳於琴河之上顏曰琴舫索題

琴河新理七絃第二絃邊架數椽試立范公橋  
上望分明一隻米家船  
一城涿水響潺湲丁字簾前梵宇閣移贈香山詩  
一句卧房塔下插魚竿

題石生小照

坐臨碧樹對清溪看洗花髻叱撥駒移贈香山詩  
一句遣君騎去上雲衢

題某人小照

秋風庭院乍涼詩白石蒼苔坐處宜珍重謝家雙

山房晚春調寄惜餘春慢

濕翠簾櫳飛香庭院却被濃雲遮了餘春不得買醉偏工愛殺沈



琴河新理七絃第二絃邊架數椽試立范公橋  
上望分明一隻米家船  
一城涿水響潺湲丁字簾前梵宇閣移贈香山詩  
一旬卧房塔下插魚竿

題石生小照

坐臨碧樹對清溪看洗花髻叱撥駒移贈香山詩  
一旬遣君騎去上雲衢

題某人小照

秋風庭院乍涼詩白石蒼苔坐處宜珍重謝家雙

玉樹朝來看發最高枝

縞紵論交廿載餘霜前雪後見心期只今面裏看  
君面還似當年乍會時

正月十三日作

數日春醒因酒杯醉鄉靜聽不聞雷無錢未肯將  
駿賣有口應難喚老回燈斂寒輝遲月放梅含香  
粉待詩催隔籬楚老渾無賴又報新開一瓮醅

和百藥居士雨中病榻見寄

動頭歡賞有芳叢半月春光一霎中昨夜雨連今

夜雨試梅風接落梅風解醒為我仍沽酒起病因  
君特剪菘不待謝公游興好敢携雙屐入空濛  
雙云姪叔河丹真健者定携  
夜入空濛故有是卷

尚湖泛舟和東山韻此首格  
不古則之

西郊三月天乍晴山光浮青水漾白昨日登山今  
泛湖上得野航辨蠟屐桃花新漲水天寬菽港蘆  
灣不嫌窄鏡中一櫂去遲延緣翻喜東風逆况  
是同游二三子頻年已飽風波客學取吳兒唱小  
海脚扣兩舷手張拍一泓春水清可啜用滌吟魂

濯酒魄湖村土沃氣候早穀雨纔過已收麥就船  
魚蝦賤可買出水蓴芽嫩堪擘綠楊影裡又酒旗  
一帶人家小橋斷須臾片雲拖雨來遠望浮嵐非  
一色維摩寺高白日澹寶巖瘦深蒼翠積搜竒不  
暇眼應接濟勝猶幸體安適焉得身如孤鴻輕飛  
上劍門絕頂立迴船小泊蓼花汀閱覓當年釣魚  
石不見垂輪白髮翁時有鷺鷥飛一隻湖山佳處  
足向笛忘却歸途日云夕人生百年本一瞬老我  
霜毛已盈情良朋快游非易事落手風光忍拋擲



青田詩集卷十  
三  
明朝有興復相期載酒重来泛空碧

棲霞移居初平小築賦詩索和次韻為贈  
半畝方塘屋數間別營一室作仙關初平已去群  
羊散賸有門前一片山

程春谷索題春及草堂圖

耨雨鋤雲結構竒天然一幅小橫披蒼茫獨立閒  
尋句可是君家畫裡詩

新正二日同冠卿東山庭仙游拂水巖買醉

酒家次舊年壁間韻

旭日初昇宿霧輕今年天比去年晴題殘舊句人  
偏怪未慣游踪鳥不驚酒氣風吹醒復醉湖光逗  
日暗還明玉堂仙客吟成後慚愧山農去署名

次韻荅百藥居士

連日春陰撥不開歎靡無客養蒼苔四窗剪燭淹  
今雨南陌携筇負早梅冒雪遠煩詩卷寄放晴應  
蜀釣船未知君錯料山翁事絕少心情對酒杯

和東山除夕

流年冉冉老相催白髮逢春又一回顧我餘生殊

自厭除君笑口向誰開山留殘雪添新水天放輕  
陰護早梅但若得閒觴且緩莫因急景漫生哀

和東山元日

老我無人問寢興在家粥飯退堂僧觀心冷似將  
灰火踏脚危如欲泮冰落薄生涯三寸管歲寒朋  
舊一枝藤新年嚼雪寒齋裡此事吾儕得未曾

上元日雨中宴集玉澗堂即事

近局招延共酒尊清談竟日寡寒溫殘吟冷醉消  
寒日伏雨闌風作去上元濟勝未謀新蠟屐護寒

先理舊花旂菖蒲灣口波清淺一夜平添鴨綠痕

題扶義西冊

石榴

馬癡美墨點林梢朱實垂綠葉交莫道亞枝承  
露早千房萬子亦同苞

芋芳

一畝芋魁饒活計凶年撐住不須真經邦論道多  
無語賺殺當年李鄴侯

題見翁白描小像

圖為山陰禹尚基所寫



青門詩集 卷十  
本亭：物表身青鞵怕踏軟紅塵  
禹生傳得公麟筆  
寫出西園雅集人  
等閒書卷不離身  
如月雙眸絕點塵  
天上神仙本無異  
可知原是讀書人

魏塘署齋喜晤陸次翁賦此贈別

魏塘風軟日初晴  
綠水春帆一櫂輕  
正是他鄉好時節  
膏錫天氣近清明  
琴雀風清冷  
訟庭印抹花落艸青  
目丘大尹頭如雪  
猶是循良舊典型

十五松陰一榻橫  
筆牀茶竈未全貧  
可知擁翠高樓外  
儘放烟霞待主人

一老霸光此所稀  
龍影入夢是邪非  
尚湖儘有閒田地  
畝與先生補釣磯

清明日口占

客窗風雨坐無聊  
不道清明是此朝  
怪底慈雲寺前路  
漏壙吹過賣錫簫

題蒼松雙鹿圖祝彥壽

亭：蒼松枝託根在深麓  
暎朝暘晞灑晨露

青門詩集卷十  
濯喬柯勢森聳亞幹仍虬曲春風煦百卉紛競  
爭綠秋氣肅金甍木落萬山禿惟茲堅貞志不為  
乞候促豈無桃與李妖冶奪人目朝花未日及頃  
刻變寒奧誰似冰雪姿矯出塵俗空山寂無人  
唯有兩蒼鹿同稟壽者相歲月各具足譬之吾黨  
士歲寒相勉勗莫訝千丈枝蟠屈尺寸幅會當挾  
風雷撐挐出幽谷

青門詩集卷第十



青門詩集卷第十一

詩餘

憶故鄉十闋調寄西江月

西郊春柳

十五六時年紀正三二月風光蔣家墳畔一行、  
直接錢家園上白粉墻邊鴨綠赤闌橋外鶯黃、  
江南春樣在吾鄉團扇家、摹仿  
劍門奇石

曾上劍門獨坐青天似壘頭中半空倒影尚湖濱  
落照晚霞同浸絕壁雲扶將墮石田詩句傳神  
如今說與十人聽九個搖頭不信

高道泉水

客住谷林西畔與泉冷淡相交瓷缸滿貯蜀山蜜  
立近鬚眉俱照時有松風謾更無塵事聊  
偶思煎喫手中條半缺柳瓢自盥

沈家亭子

出北門無半里茅亭斜俯清流萬竿修竹短塢頭

墻外人家膏酒我昔閒居無事每逢佳節未游  
大都不是桂花秋定是菜花時候

樵話菴牡丹

樵話菴前石畔牡丹一本新栽去年穀雨帶煙開  
弱彘亭不大今歲開時定好主人又在天涯  
須將歸計早安排轉瞬花期又快

劉公祠桃花

墻角夭桃開徧禁烟時節才過劉公祠裡錦城窩  
忙殺春風不顧隊、輕羅小扇行、翠黛青蛾



看花歸去鬢雲拖一箇釵頭一朶

吾谷丹楓

偶出柴門獨步參差石徑遠迤青鞵布鞵自便宜  
得行末二里吾谷墳中楓對九千八百餘株  
夕陽林下立多時一部霜井多紫

山居豆棚

茆草屋雖依小豆花棚甚寬閒科頭跣足坐其間  
四面好花多見一半經秋初綻老饕先已垂涎  
如今頓食腥羶反被饒牙埋怨

屋角青山

天下豈無名勝登臨脚力蹣跚爭如屋角有青山  
日相陪几案此是大癡粉本流傳暖翠浮嵐  
生綃十丈面奇巖截取他家一段

湖田清夏

處籬根晒網家門外維舟水田一半種雞豆  
一半還須種藕欲買三間茆屋老于此地優游  
至今有願未能耐難得渙竿倒手

扶義索題畫梅卷子調寄柳梢青和柯敬仲

韻四首

未開

椒眼迷離分明是怨經年睽隔彷彿前村酒家壩  
角舊曾相識冰魂才動些兒已是要東風愛惜  
恰臨粧無端又被曉寒邀勒

欲開

脈思量壽陽當日小樣新粧忽漫臨風被他偷  
去一半兒香芳心無處堪藏未索笑先應斷腸  
翻怕明朝畫情開了對著迴廊

盛開

亞枝斜搭似曾攪和淡烟輕霎誰遣司花搓酥弄  
粉那般周巾暗香驀地飛來把蘭麝薰爐盡點  
悶煞兒家淡紅衫袖一雙金鴨

將殘

斷粉零枝最難描畫落墨應遲多少心情將他寫  
得直任離披飄零無限前期悶坐處潛思暗悲  
秉燭三更待開窓看風又來時

瓶中芍藥調寄蘓幕遮



柳綿輕梅豆小檢點春光穀雨都過了地上花多  
枝上少只有瓶中芍藥開還好 畫簾垂蘇幕統  
瞞却東風不與他知道又被游蜂閤打攪六扇紗  
窗扇：都尋到

鳳池索題東籬圖調寄西江月

石畔孤松滴翠籬根蕞菽搖金幾株疎柳小紫荊  
髻鬢陶家三徑 中有高人獨坐悠然抱膝橫琴  
義熙甲子遠休論且向花前痛飲

送彥和程君榮旋調寄賀新涼

執手和君語問吾曹因何為者栖：如此我向天  
涯為客人強半相逢游子潦倒甚更誰堪比老大  
娉婷還未嫁肯何他時勢爭眉無書生事亦爾  
如何捧檄心偏喜念高堂尸獲有母晨昏甘旨垂  
白手中衣線在為紉蕭：行李正門外馬嘶風起  
三尺吳鉤渾繡澀聽王郎拔劍歌散苦謔乍闌酒  
重舉

題南艾牡丹詩寄畫堂春

西堂清畫日初長百般紅紫芬芳天然國色讓花

青門詩集卷十一  
王敢闢新粧 好把金尊列滿還將繡幄高張鶯  
歌蝶舞燕飛忙富貴春光

題人大山人瓶梅調寄蘇幕遮

暖溫暝寒料峭檢點年時十月春還小冷蕊疎枝  
宜索笑沒骨句描筆在花瓶早 西簾垂蘇幕統  
背却東風莫被他知道十丈軟紅飛不到獨與幽  
人相對閒吟好

青門詩集第十一



青門詩集卷第十二

附集

題青門山居禊興詩序

吳德裕

子甥邵子青門少能詩予亟賞其神駿遭逢多故  
不廢詠歌忽廿餘年饑驅四方益自鏃礪所著  
有嶺雲望遠怪哀住山諸集藏弄篋衍不以示人  
顧獨與故人戴稼梅唱和為多稼梅序其詩以東  
澗先生辨香為託稼梅名家子又親承東澗之緒

論其言也信卽子比歲倦游歸自閩中携家寄居  
大癡山房詩卷之外更無甚物而尊中不空座上  
常滿一觴一詠意晏如也辛未初夏作山居雜興  
詩三十首或話說家常或流連風景旁及禽魚艸  
木以迄人情物態天籟自然不假搜索而十年來  
過都越國馬足車塵之大概間亦闡入焉其鬢髯  
戟張擊碎唾壺之致涌現行間字裏歐陽子之稱  
梅聖俞窮而後工者庶幾得之讀者其求之唐宋  
之間乎少陵秋興之後范石湖之田園雜興為宗

時絕唱至元間月泉吟社以是為題倣鎖院試士  
之法選中二百八十卷自羅公福以下六十名各  
送詩嘗有差傳為蕪林嘉話今卽子以山居倣其  
遺意同學諸子和韻斐然其聞風嗣響者將不啻  
月泉之數凡百君子風雅領袖無或有好事如吳  
清翁謝畢羽其人者乎請以後堂絲竹之餘作綠  
翰墨加之品題豈不亦鼓吹休明之盛事哉予雖  
老矣尚能泚筆以記之

次和紫冒山客山居雜興三十首凌竹



浮雲南北水西東不改初心是此翁  
撲面寒威判朔雪著人和氣付春風  
亦知浪跡聊為戲豈敢埋頭便計功  
今日却歸山下住目如無見耳如聾  
墻花路草盡纖濃不出衡門一味慵  
雜髮且過丁日火飯蔬常待午時鐘  
無端二月又三月那管高春與下春  
拚簡頻煩吾意定連旬者挂壁間筇  
永夜高吟對一缸溜散相和響涼已  
令稚子去安寢時有暗風來入窗  
酒國爾能堅壁壘騷壇誰可豎  
麾幢更深細檢昌黎集險韻輸他賦  
下瀧

山居最勝是春時本分風光亦頗宜  
茶為客來童解煮榻椽樹好手頻移  
檐前坐聽蜂聲鬧竹外晴看日影遲  
幸得胸中捐俗慮偶然街口即成詩  
遑問他家是復非吾儕情性與時違  
狂多但博千場醉拙甚惟防四境饑  
夾岸綠楊經雨暗滿枝紅艷逐風稀  
餘華易歇窮愁在傲骨峻增那得肥  
壯年無復惜三餘老不猶人合有諸  
比石頑姿何用琢如僧短髮漫勞梳  
眼空懶作朱門客釣直全輸碧水澳  
至竟窮通各由命仰天長歎一軒渠



青田詩集卷之三  
道入寧肯濫吹竽藜藿腸枵面貌臞酒若可封終  
得郡父雖能咎不妨鬢世途艱阻悲荆棘棋劫循  
環怪轆轤爭似幽棲較安穩情誰粒點住山園  
瓶有儲糧爰有壘舍南賒酒易如攜臣饑謬比東  
方朔自鬻羞同百里奚樹底熟梅黃欲墮籬邊種  
菜綠初齊畫船忽報遊人盛憶：笙歌白日西  
我癡何必羨伊乖只把心情自遣排興廢事從書  
裡悟古今人盡土中埋春花秋月年：景麥飯菰  
羹日：齋譬彼世間凡州木發生先在植根莖

南窗朗豁北牕開窓外清陰借綠槐兩翼差池新  
燕去一截剝啄故人來吾生夙抱烟霞癖天意常  
全擁腫才千歲茯苓如可覓好携長饒斲青苔  
百丈游絲十丈塵茫：何處託父親不辭鹿豕為  
朋侶祇與松筠結比隣韓愈恃強祛瘡鬼魯褒多  
事論錢神可憐咎得詩文在朽骨成灰勿復春  
屈指當年始識君小來英氣足干雲何當老入青  
油幕豈止狂書白練裙外地關河徒跋涉故鄉山  
水且支分不知幾許心中事待倚松根話日曛



大癡山下闢柴門出郭無多即似村幾度澆花分  
澗水有時移石斲雲根才情牢落推羅隱語句精  
工薄許渾却為近來風尚異劍南詩卷伴朝昏  
吟到豪時恣笑歡一盃我更氣桓、媿隅作饌玆  
如鮓鱠飽充腸大似盤滾、未容譚口辯僂、寧  
畏路人看興未不覺忘歸去燭跋尊空夜向闌  
自將詩卷盡情刪閉戶無人與往還過雨清泉流  
瀨、隔林好鳥語闌昂藏本具超塵骨踈踏難為  
乞食顏料得尚嫌城郭近擬從湖畔覓漁灣

擊節悲詞不問天愁未一日勝經年無家到處俱  
為客食字如何便作仙茗椀爐香窮點綴鶯簧蝶  
板假因緣期願老羞尋常事推解知投若箇遺記

五首  
自述

炎天長日鎮遙、飽飯無營未易消棧豆鹽車空  
局促樵歌牧唱絕蕭聊盲聾倘合由人罵貧賤端  
應讓我驕懊惱今春偏嬾惰不曾行到第三橋  
街譚巷說任啁嘲肯擲閒身等繫匏早辨象形圖  
翹軀又因觸物詠蟪蛄訓蒙小學教甥讀濟世奇



青內詩集 卷三  
方秉燭鈔何計得如梁上燕銜泥來去補新巢  
山憂率律水波濤老我無成一布袍藏拙怕將蛇  
足畫避喧偷把耳根搔未常妄動何因錯絕想求  
名那用逃獨有兩家渾不忘赤松虛幻釣臺高  
千頃波邊放脚過搖風柄出擎荷俯觀深水游  
魴鯉仰見喬枝引薜蘿灞上棘門兒戲耳即鄆槐  
國夢回何相逢莫要追曩昔吾是還吾他是他  
一角青山隱者家山間事可張誇廣庭樹少寬  
容小月圓泥乾雜蒔花筍用作羹甘是肉臄新糊

紙亮于紗但能如此乎過蠅利蝸名莫亦賒  
沆生號哭福生狂縱是人間夢一場浪說捷才能  
七步空傳飽學擅三長蚊雷聒耳登時散螳螂成  
團枉道強明眼若教都覩破安身畢竟有良方  
弛韉脫鑲兩肩輕山色湖光眼界清携一卷書隨  
處坐呷三升酒放歌行榮枯理透方無碍義利途  
公更不爭此是仲雍棲息地隱居深見古人情  
夏山得雨聳然青獨自尋幽上小舸吾谷西瞻多  
茂樹辛峯東向蠹高亭湖中編設張魚網身畔忘



携貯酒瓶最是濕雲濃不散又添新漲沒回汀  
此心雖可對良朋履薄臨深亦戰兢藥石語言隨  
口出坦平山徑挈兒登道躬並直知無忝動靜俱  
圓想未能何肉周妻或難免不須欣羨退居僧  
東舍西隣竹樹稠望來唯欠一登樓愁中約畧乾  
坤窄醉裡思量世界浮鬱蒼松堪比操絲白  
髮旋盈頭十年閱歷人情熟祇恐無心事浪游  
性如麋鹿樂山林玩世何勞覓音舊雨忽來忙  
買酒好風時至即開襟筵前曲妙歌金鏤墻角花

香吐玉簪此外幾容人計較贈君一法與安心  
寄人籬下亦何堪况復營營豈素諳乍可清閒稱  
處士更宜枯寂學瞿曇旂常竹帛仍迂闊禮樂詩  
書儘荷擔若把南陽相比擬草廬不似這茅菴  
老境宜同食蔗甜斷無榮辱坐南簷鸚歌試語開  
紅嘴銅鏡侵晨照白髯筆墨粗疎吾甚媿詩詞工  
巧汝能兼邇來請易探微旨為戒無恒莫玩占  
爰看矮柏共長杉惡草當塗竭力芟城上梵宮高  
揭孽林間虬石亂巉巖無人重整東山屐有淚輕



沾司馬衫依樣葫蘆定貽笑字：乞與疊空亟  
予蒐採青門詩卷帙已多頃于東阿金君齋頭  
見其手錄山居詩一卷南樓雪坡兩先生和詩  
附載青門婦翁二饒吳君為之序東阿丹黃點  
勘紙墨精好書法亦頗仿三家筆意予携歸展  
讀中間語句青門復加芟改有與原作迥異者  
亦有韻脚竟更換不同者蓋青門歆其詩之傳  
恐後有蚍蜉相撼其用心亦勤矣予惟雪坡詩  
已刻海粟集不具錄南樓先生則予父執也且

其所著却浮集今不知藏弄何處庸敢不奮撮  
簡端以識吉光之片羽邪時甲寅十月既望兩  
中畊雲記

青門詩集卷第十二





山房晚春調寄惜餘春慢

濕翠簾櫳飛香庭院却被濃雲遮了餘春不得買醉偏工愛殺沈  
郎錢小剛是無聊賴時鴉枝頭數聲猿巧惹楊花陣、一時  
吹徧滿川烟艸 想那日春乍來時盈、十五未字名姝妓  
好梅邊白淡柳外黃嬌間着杏梢紅開幾點黃昏雨兒  
捲陣曉風一堆香掃篋如今惟有倚闌相尋茶蘼開早到

山房早春調寄金明池

山館懸崖茅堂背郭也有韶華來到凭欄處烟嵐一抹似臨  
鏡脩蛾淡掃瘦梅枝映竹穿松着幾個舊蕾垂、紅了算  
桃李年光試燈風信覺得今年差早 勝日尋芳行處  
好想少日嬉遊那須懷抱杯兒裏何愁酒盡牕兒外不知天  
曉到如今猶有童心奈投絮情羞判花人老倩樹底添鶯梁  
間語燕說與東君知道

秋柳調寄金縷曲

萬黃樹黃金線最無端送春辭夏垂、欲倦一自漫空飛絮盡多  
少朱門畫掩便背了春風一面記得清明寒食路倚纖腰  
亂打桃花片又勾住花間燕 如今拋擲情何限帶幾枝  
冷烟疎雨水村茅店六代山河斜照裏無數暮鴉棲徧又何  
處笛聲哀怨淒絕右丞三疊句任行人唱徹無心管長亭路  
連天遠

於他處見鄧青門集十一卷末多詞三首錄之